

大正板道録

57
5

東 京 圖 書 館				
五七	二七	五	正史	漢書門
冊	號	架	函	類

漢 書 門				
五七	五六	五九六	五九六	漢書門
冊	架	函	號	類

內閣文庫	
三三函	五九六
一八架	五七
冊	號
內閣文庫	
番號	漢 5966
冊數	57 (25)
函號	283 33



內閣

資治通鑑綱目卷之二十一

漢文

起戊戌晉成帝咸康四年凡二十二年

戊戌

四年高祖

趙建武四年。成敗號漢中宗李壽漢興元年。代蓋已未晉穆帝升平三年。凡二十二年。舊大國一漢涼小國二新

小國一凡

春趙王虎燕王皝合兵攻段氏破之虎拔令支

悉取其地

趙王虎擊段遼使桃豹等將舟師十萬出漂渝津支雄等帥步騎七萬為前鋒燕王皝引兵攻掠令支以此段遼將追之慕容翰曰今趙兵在南當并力禦之而更共燕關萬一失利何以禦南敵乎段蘭怒曰吾前為卿所誤以成今日之患今不復墮卿計中矣乃悉衆追之皝設伏邀擊大破之掠五千戶而歸虎遣屯金臺支雄長驅入剽遼所著魚陽上谷代郡守相皆降取四十餘城北平相陽松帥數千家登燕山以自固請將恐其為後患欲攻之虎曰松儒生矜惜名節恥於迎降耳無能為也遂過之至徐無遂不敢復戰棄令支奔密雲山慕容

通鑑卷之二十一
漢書卷之二十一
漢書卷之二十一

翰奔字文氏虎入令支宮徙二萬餘戶於司雍交豫集
四州士大夫之有才行者皆擢叙之陽裕詣軍門降
覽令支縣名屬遼西郡師古曰去聲
所一統志云徐無注見漢書帝初平四年
又析置新昌縣隋開皇中省肥如入新昌後為盧龍
治唐武德初移平州治此改為盧龍縣唐金元供仍舊
本朝因之改屬承平府金臺即黃金臺在順天府東南
一十六里又一日小金臺在府東南一十五里按燕昭
王於易水東南築黃金臺延天下士後人慕其好賢之
名亦築臺於此為京師八景之一名曰金臺夕照
名注見漢帝更始二年燕山在順天府玉田縣西北
二十里順天府密雲縣南一十五里亦名橫山昔燕
趙伏兵於此
大獲遼衆

夏四月成李壽弒其主期而自立改國號漢

成主期驕虐日甚多所誅殺大臣多不自安尤忌漢王
壽威名使出屯浩壽懼不免每當入朝常詐為邊書

以警急初巴西處士龔壯父叔皆為李特所殺壯欲報
仇積年不除喪壽數以禮辟之壯不應而往見壽壽
自安之策壯曰蜀氏本皆管臣節下若能發兵西與成
都稱藩於晉則福流子孫名垂不朽豈徒脫今日之禍
而已壽然之遂與成都屯兵宮門奏殺大臣數人繼與大將數日
乃定矯太后任氏令廢期為縣公幽之期繼而卒羅恒
解思明等勸壽如壯策壽用任調等言遂自稱帝改國
號曰漢尊父讓帝號更以舊廟為大成廟後竟盡殺成
王雄諸子以安車束帛徵龔壯為大帥壯誓不仕贈遺
一無舊見欲與下猶言閣下足下也大將軍持節以專殺
事者先與之言管實巴西郡名注見漢書武帝建安十九年
因卑遠尊之意
五月趙王虎擊燕不克燕慕容恪追擊大敗之
趙王虎以燕不克攻段遼而自專其利伐之又遣四出
招誘民夷得三十六城遂進逼棘城魏欲出亡帳下符
慕容根諫曰趙置我弱大王一舉足則趙之氣勢遂成
不可復敵矣今固守堅城其勢百倍事之不濟不失於

通鑑卷之二十一
漢書卷之二十一
漢書卷之二十一

走奈何望風委去為必亡之理乎孰乃止然猶懼形於色
 以厲將士太守劉佩曰事之安危繫於一人大王當自置
 還於是士氣自倍就造其子恪帥二千騎追擊之趙兵
 獨全閱本姓冉虎養以為子驍勇善戰多策畧虎愛之
 比諸孫虎還鄴蒲洪以功拜都督六夷諸軍事閱言於
 虎曰洪雄傑宜密除之以安社稷虎曰吾方倚其父子以
 誅滅其衆何殺之待之愈厚就分兵討諸叛城皆下文
 斛以給之又以船三百艘運糧食至是虎使王典帥眾
 萬餘屯田海濱又令青
 州造船千艘謀復擊燕
 崑山去岸八十里晉書
 即高公島也在淮安府海州城東八
 十里舊傳有高公嘗漁于此故名

趙冀州大蝗

趙冀州入郡蝗司諫請坐守率趙王虎曰此朕失政所
 致而欲委咎守宰豈罪已之意邪司諫不進讜言佐朕
 不逮而欲妄陷無晉書張九韶曰漢置冀州治趙郡所
 率可白衣領職定中山信都河間趙國十郡晉因之
 今言八郡者特舉被蝗者而言也

以司徒導為太傅都督中外諸軍事都鑿為太尉庾亮為

司空六月更以導為丞相罷司徒官

導性寬厚委任諸將趙胤買寧等多不奉法大臣患之
 亮與鑒牋曰主上自八九歲以及成人入則在宮人君
 手出則為武官小人讀書無從受章句顧問未嘗遇君
 子秦政欲愚其黔首天下猶知不可况欲愚其主哉人
 主春秋既盛不稽首歸政甫居師傅之尊多養無耻之
 士公與下官並荷託付大姦不掃何以見先帝於地下
 乎欲共起兵廢導鑒不聽或勸導密為之備導曰吾與
 元規休戚是同悠悠之談宜絕智者之口則如君言吾

便角中選第復何懼哉孫盛諫亮曰主公常有世外之懷豈肯為凡人事邪此必佞邪之徒欲間內外耳亮乃止是時亮琬居外鎮而造執朝權既據上流擁疆自敵徐勢者多歸之導內不能平嘗遇西風塵起舉扇自蔽徐曰元規塵汚人。導以李充為掾充以時俗崇尚浮虛嘗以為老子絕人棄義蓋患乎情仁義者寡而利仁義者寡耳而凡人絕人見形迹離本逾遠乃崇所著非仁無以長物非義無以齊恥仁義固所隆乃崇所著非仁無不可遠去其害仁義者而已

晉書 元規度亮表字孫盛太原人李充汝南人

秋漢霖雨

蜀中久雨百姓饑疫漢主壽命群臣懼喜得失龔壯上封事曰陛下起兵之初上相星辰昭告天地敬血盟衆舉國稱藩天應人悅大功克集而論者未諭權宜稱制今淫雨百日饑疫並臻天其或者將以監示陛下報大愚謂宜導前盟推奉建康彼必不愛高爵重位以報大

冬十月光祿勳顏含致仕

書內懸秘

質實

建康郡名注見漢獻帝興平二年

顏含以老遜位時論者以王導帝之師降百僚宜為降禮太常馮懷以問含含曰王公雖貴重禮無偏致降禮之言或是諸軍事宜鄙人若矣不識時務既而告人曰吾聞伐國不問仁人向馮祖思問佞於我豈有邪德乎郭璞嘗欲為之寮含曰年在天位在人脩已而天不與者命也守道而人不知者性也自有性命無勞著龜致仕二十餘年

晉書 顏含琅邪華人祖思馮懷表字蒼年九十三而卒

問仁人注見漢明帝永平二年

書法

自漢書丞相賢致仕宣帝地節三年是後歷東漢僅一書和帝永元十三年於是復見美知止

也終綱目書致仕二十二年

代王翳槐卒弟什翼犍立

立當

代王翳槐之弟什翼犍質於趙翳槐疾病命諸大人互
 之翳槐卒諸大人以什翼犍在遠來未可必謀立次弟
 孤孤不可自詣鄴迎什翼犍請身留為質趙王虎義而
 俱遣之什翼犍即位於繁時北分國之半以與孤代自
 荷盧卒國多內難部落離散什翼犍雄勇有智畧能脩
 祖業始置百官分掌教務以代人撫鳳為長史許謙為
 郎中令制及逆殺入姦盜之法號令明白政事清簡無
 繁訊連遠之煩百姓安之於是東自藏黎西及破落那
 南距陰山北盡沙漠率皆歸服有衆數十萬人
 俱被捕破落那西或國集覽連速秦皇本紀以罪過連
 都貴山城在疏勒西北繁覽四年燕鳳代見懷帝永嘉
 國名注見新莽始建國五年陰山注見秦王
 政三年沙漠注見漢獻帝建安二十五年
十二月趙遣兵迎段遼燕慕容恪擊敗之以遼歸殺之
 段遼自密雲山遣使求迎于趙所而中悔復遣使于燕
 趙王虎遣麻秋帥衆迎之秋曰受降如受敵不可輕
 也燕王皝亦自將迎遼遼密與燕謀覆趙軍皝遣格伏
 精騎於密雲山大敗秋兵獲其司馬陽裕盡得遼衆符

亥巳

五年

趙建武五年

春三月庾亮表請伐趙詔諭止之

遼以上賓之禮以裕為郎
 中令久之遼謀反斃斬之
 亦名橫山昔燕趙伏
 兵於此大獲遼衆

書法

遼嘗書弒君矣不書誅何殺不以其罪綱目一以殺書之
 雖有罪而殺之不以其罪綱目一以殺書之

質實

一統志云密雲山在順
 天府密雲縣南十五里

亮欲開復中原表以桓宣鎮襄陽第擇鎮魏興翼鎮江
 陵毛寶樊峻成邾城上疏欲帥大衆十萬移鎮石城遣
 諸軍羅布江沔為伐趙之規帝下其議丞相導議許之
 太尉鑒議以為資用未備不可太舉太常蔡謨議曰時
 有否泰道有屈伸苟不計疆域以俟時動則亡不終日
 功之有為今之計莫若養威以俟時動則亡不終日
 疆弱胡之疆弱繫虎之能自石勒舉事虎常為瓜牙
 百戰百勝遂定中原勒死之後虎挾嗣君誅將相內難
 既平剪削外寇四境之內不失尺土以是觀之虎為能
 乎將不能也今征西欲自將大軍席卷河南虎必親帥
 其衆來決勝也今征西欲自將大軍席卷河南虎必親帥
 痛欲阻沔水何如大江欲拒石虎何如蘇峻石生猛將

通鑑綱目

晉書卷之二十一

五

關中精兵征西之戰殆不能勝也金墉險固劉曜十萬
 關不能拔又當是時洛陽關中皆舉兵擊虎今此三鎮
 反為其用方之於前倍半之勢也石生不能敵其平而
 征西欲當其倍愚所疑也蘇峻之疆不及石虎汧水之
 險不及大江大江不能禦蘇峻而欲以汧水禦石虎又
 所疑也若祖士雅在譙伺於城北界豫置軍屯以禦其
 外穀熟胡至丁夫戰於外老弱獲於內多持炬火急則
 燒穀而走如此數年竟不獲利當是時胡唯據河此方
 之於今四分之一耳士雅不能揮其一而征西欲以禦
 其四又所疑也然此但論征西既至之後後耳尚末論道
 路之慮也自汧以西水急岸高魚貫流首尾百里若
 胡無宋襄之義及我未陣而擊之將如之何今王士與
 胡水陸異勢便習不同胡若送死則敵之有餘若棄江
 遠進以我所短擊彼所長曜非廟勝之筭也朝議多與
 謨同乃詔亮 **集覽** 宋襄之義公羊傳僖二十二年宋公
 不聽移鎮 亮及楚人戰于泓楚人濟泓而來有司
 復曰請迨其未畢濟而擊之公不可曰君子不瓦人
 濟未必陳有司復曰請迨其未畢濟而擊之公不可曰
 君子不鼓不成列已陳然後襄公鼓之宋師大敗故君
 子大其臨大事而不忘大禮以為維文王伐崇之戰亦

不過此廟勝之筭注 **賞實** 魏興郡名注見漢後主建興
 見漢宣帝神爵元年 **賞實** 八年西城一統志云鄠城在
 黃州府城西一百二十里楚宣王伐鄠得其民徙其
 君居此城故名漢鄠山王吳芮嘗都之今名舊州城石
 城山名在汝寧府信陽州東南五十里山極高峻與義
 陽山相接史記魏攻冥阨即此山也汧水注見漢獻帝
 建安十二年漢汧金墉城名注見漢獻帝二年征
 西謂庾亮也士雅祖逖表字濞縣名注見漢獻帝建安
 十五年魚貫鄧艾傳士卒魚貫而進注謂魚上水首尾相銜也
書法 詔止之矣其書伐趙何予亮也自五胡雲擾江
 網目之所予也自是更翼褚裒司馬勲於法雖皆無
 成而書伐趙者四北伐者一皆所以示中國復讐之
 義為臣子狗國之勸也

代王什翼犍求昏於燕

什翼犍會諸大人議都灤源川其母王氏曰吾自先世
 以來以遷徙為業今國家多難若城郭而居一旦寇來

通鑑綱目卷之二十

五

無所避之乃上什翼捷求昏

集覽

灑源川灑水出馮門郡凌靡縣

管寶

於燕燕王凱以其妹妻之一統志云灑水源出大同府馬邑縣西北洪濤山即桑乾河之源也漢書謂之治水水經謂之濠館是也

秋七月丞相始興公王導卒以何充為護軍將軍庾冰為

中書監揚州刺史參錄尚書事

導簡素寡欲善因事就功雖無日用之益而歲計有餘
輔相三世倉無儲穀衣不重帛初導與庾亮共薦丹陽
尹何充於帝且曰臣死之日願引充內侍則社稷無虞
矣及導薨詔喪葬參用天子之禮蓋曰文獻微庾亮為
丞相亮固辭遂以充及亮弟冰參錄尚書事冰經綸時
務不吝晝夜賓禮朝賢升擢後進由是朝野翕然稱爲
賢相初導輔政每從寬恕至冰頗任威刑丹陽尹殷融
諫之冰曰前相之賢猶不其弘况如吾者哉范汪謂
冰曰頃天文錯度足下宜盡消禦之道冰曰玄象豈吾
所測正當勤盡人事耳又隱實戶口料出無名萬餘人
以充軍實冰好為糾察近於繁細後益
橋遠復存寬縱疎密自由律令無用矣

集覽

料出史記周宣王料

毛於太原

管寶

始興郡名注見愍帝建興三年丹陽郡注料數也名注見漢獻帝興平二年何充潛人

八月汝丞相為司徒○太尉南昌公郗鑒卒以蔡謨都督

徐充軍事考異

充下漏

鑒疾篤上疏曰臣所統錯雜率多北人遷徙新附皆有
歸本之心臣宣國恩示以好惡處與田宅漸得少安聞
臣疾篤眾情駭動若當北渡必啓寇心太常臣謨平簡
貞正素望所歸可為徐州鑒薨即以謨代之時左衛將
軍陳光請伐趙詔遣攻壽陽謨上疏曰壽陽城小而固
又王師左路五十餘日前驅未至聲息久聞賊河北之
騎足以來赴况停船水渚引兵造城前對堅敵顧臨歸
路此兵法之所誠也今光所將皆殿中精兵以國之派
士擊寇之下邑得之則利薄而不足直敵
失之則害重而足以益寇非長策也乃止

管寶

南昌縣名注見

漢成帝永始三年壽陽郡名注見秦王政六年

九月趙人入寇攻沔南及郟城陷之

通鑑綱目卷之二十一

晉成帝咸和五年

六

初陶侃在武昌議者以江北有郟城宜分兵戍之侃每
 不谷而言者不已侃乃渡水獵引將佐語之曰我所以
 禦寇者長江耳郟城隔在江北內無所倚外接群夷夷
 中利深晉人貪利夷不堪命必引虜入寇此乃致禍之
 由也若羯虜有可乘之會又不資於此矣至是庾亮使
 毛寶樊峻戍之趙王虎遣夔安等將兵數萬入寇敗晉
 兵殺五將軍以二萬騎攻郟城寶求救於亮亮不時遣
 河南郟城皆陷寶峻突圍赴江死安進寇江夏義陽皆
 降進圍石城竟陵太守李陽拒擊敗之

集覽 郟城今黃
 楚宣王城郟徒其君於此因名郟城石城袁宇記云石
 城在義陽軍東南五十五里山極高峻史記魏攻冥阨
 蓋謂此也按義陽軍是武昌郡名注見漢後主建興
 鄧州也今信陽軍是武昌郡名注見漢後主建興
 太清二年(竟陵)郡名注見元帝
 建武元年(郟城)注見咸康四年

趙以李巨為御史中丞

趙王虎患貴戚豪恣乃擢巨為中丞中外肅然虎
 曰朕聞良臣如猛虎高步曠野而豺狼避路信哉

漢殺其臣李演

羅桓解恩明復議奉晉漢主壽不從李演復上書言之
 壽怒殺演壽常慕漢武魏明之為人耻聞父兄時事上
 書者不得言先世政
 教自以為勝之也

冬燕王皝遣長史劉翔來獻捷

燕王皝自以稱王未受晉命遂遣長史劉翔來獻捷論
 功且言權假之意并請刻期大舉其平中原皝又使其
 子恪霸擊字文別部
 霸年十三勇冠三軍

張駿立辟雍明堂

書法 書讚也何譏辟雍天子之學明堂王者之堂豈
 臣子所得為哉書曰張駿立辟雍明堂而貶義

自見

唐

六年 趙建武 春正月司空庾亮卒以何充為中書令庾翼

通鑑綱目卷之二十

都督江荆等軍州事

考異

提要作州軍
當從提要

時人疑翼年少不能繼其兄翼悉心為治戎政嚴明數年之間公私充實人皆稱其才

慕容翰自宇文部歸于燕

宇文逸豆歸忌翰才名翰乃陽狂乞食舉國賤之不復省錄以故得往來自遂山川形梗皆默記之燕王皝以翰因猜嫌出奔雖在他國常潛為燕計乃遣商人王車通市於宇文部以迎之翰遂竊逸豆歸名馬携其二子逃歸就大喜厚遇之

書法

書予之也曷為予之不忘
本也猶有宗國之心焉

有星孛于太微。三月代始都雲中

質實

雲中郡名在秦王政三年

秋漢大閱於成都

趙王虎遺漢主壽書欲連兵入寇中分江南壽大喜集士卒為舟師大閱於成都龔壯諫曰陛下與胡通孰若

與晉通胡豺狼也阮斌晉不得不北面事之若與爭天下則疆弱不敵危亡之勢也群臣亦皆叩頭位諫壽乃止壯以為人之行莫大於忠孝阮報父叔之仇又欲使壽事晉壽不從乃詐稱耳聾辭歸以文籍自娛終身不復至成都

書法

書漢大閱何志龔壯也李壽可謂不量力矣書大閱始此綱目書大閱二書講武三詳漢靈帝

中平五年
皆載也

冬趙大發兵以伐燕燕人襲之入趙高陽趙師還

趙王虎合兵五十萬具船萬艘自河通海運穀千一萬斛于樂安城徙遼西北平漁陽萬餘戶于交豫雍洛自幽州以東至白狼大興屯田括取民馬敢匿者腰斬凡得四萬餘匹大閱於宛陽欲以擊燕燕王皝曰虎自以樂安城防守重復薊城南北必不設備今若詭路出其不意可盡破也遂帥諸軍入自蠡螭塞直抵薊城破武遂津入高陽所至焚燒積聚略三萬餘家而去趙兵乃還

集覽

樂安郡名今濟南路隸州是

質

實 一統志云(樂安城)在濟南府臨濟鎮東八十里漢千

二(高陽)郡名注見愍帝建興四年

趙命其太子宣及弟韜送省尚書奏事

趙王虎以韜為太尉與宣送日省可尚書奏事不復啓
白司徒申鍾諫曰太子職在視膳不當預政庶人遂覆
車未遠也且二政分權鮮不階禍愛之不道適所以
害之也虎不聽中謂者令申希有寵於虎宣亦曉之使
典機密虎既不省事而宣韜皆好辭飲啜獵由
是除拜生殺皆決於宣自九卿以下望塵而拜
職在視膳記文王世子篇食上必在視寒暖之節食下
問所膳左傳閏二年晉里克曰太子奉冢祀社稷之案
感以朝夕視君膳者也(庶
人邃覆車未遠)事在三年

書法

太子省事非古也前書趙太子弘矣於是宣與
弟韜送省是二太子也兄弟相屠之禍始此矣

故書

譏之

漢遣使如趙趙人報之

漢主壽致書於後趙王虎署曰趙王石君虎不悅中書
監王波曰壽既僭大號今以制詔與之彼必酬返不若
復為書與之會把婁國獻括矢石磐於趙彼因請以還
漢曰使其成知我服遠方也虎從之遣漢亡將李闕歸
報閱至成壽下詔曰羯使來庭貢
其楷矢虎聞之怒黜波以白衣領職
國也在扶餘東北楷矢石磐家語孔子在陳有隼集于
陳侯之庭而死楷矢貫之石磐長尺有咫惠公使人問
孔子子曰此肅慎氏之矢也古者分異姓以遠方職貢故
分陳以肅慎氏矢焉韜曰楷木可為矢斲磐石可為
矢鏃楷音音戶楷音音戶楷音音戶楷音音戶楷音音戶
音奴又音音音音音音音音音音音音音音音音音音音
謂之勿吉隋初曰黑水靺鞨唐初渠長阿固郎始來朝
後乃臣服開元中以其地為燕州置黑水府其後粟末
靺鞨強盛號渤海黑水靺鞨其地即金鼻祖之部落也初號女
契丹所攻黑水靺鞨擅其地即金鼻祖之部落也初號女
真後避遼興宗諱攻日女直臣屬於遼部族散居山谷
至阿骨打始大易部建國曰金滅遼設都於渤海上海京

至海陵改為會寧府金亡歸元以其地曠闕人民散居
設軍民萬戶府五鎮撫北邊曰挑温曰胡里改曰幹泉
隣曰脫幹隣曰寧苦江分領流同江南北水達達及女
直之人有合蘭府水達達等路以總攝之迨入本朝
悉境歸附自開原迤北因其部族所居建置都司衛所
官其酋長為都督都指揮指揮千戶鎮撫等職給與
印信俾乃舊俗名
統其屬以時朝貢

丑辛

七年

趙建武

春正月燕築龍城

燕築城於郡城之北龍山之

實

郡城縣名注見漢獻
帝建安十二年一統

志云龍山在永
平府西四十里

二月朔日食○封慕容皝為燕王

劉翔至建康帝引見問慕容鎮軍平安對曰臣受遠之
事大將軍不處邊異姓不封王翔曰自劉石構亂長江
以北翦為戎藪未聞中華公卿之胃有能摧破凶逆者

也獨慕容鎮軍心存本朝屢為疆敵使石虎畏懼
千里功烈如此而惜海北之地不以為封邑何哉吾
苟尊所事竊惜聖朝踈忠義之國使四海無所勸慕耳
尚書諸葛恢翔之弟夫也獨主異議以為夷狄相攻中
國之利惟器與名不可輕許也朝廷何賴焉翔曰妾婦
能除石虎乃是復得一石虎也朝廷何賴焉翔曰妾婦
猶知恤宗周之隕今晉室危殆君位伴元凱曾無憂國
之心慕容鎮軍枕戈待旦志殄凶逆而君更唱邪惑之
言四海之內以未壹良由君輩耳翔留歲餘衆議終不
會皝上表罪狀使氏兄弟又與水書責其當國不能雪
恥水懼乃與何充奏從其請以皝為大將軍幽州牧大
單于燕王備物典策皆從殊禮以翔為代郡太守翔固
辭不受翔疾江南士大夫以驕奢驕縱相尚晉因宴集
謂充等曰四海板蕩奄踰三紀宗社為墟黎民塗炭斯
乃廟堂焦慮之時忠臣畢命之秋也而諸君宴安江沱
肆情縱欲以奢靡為崇以傲誕為賢謬謂之言不聞征
伐之功不立將何以尊主濟民乎充等甚慙乃遣使持
節冊命與翔偕北公卿餞之翔曰昔以康賔一旅以滅
有窮勾踐憑會稽以報疆吳蔓草猶宜早除况寇讐乎
今石虎李壽志相吞并王師縱未能澄清北方且當從

今石虎李壽志相吞并王師縱未能澄清北方且當從

事巴蜀一且石虎先人舉事併壽而有之漢形便之地
以臨東南雖有智者不能善其後矣中護軍謝廣曰是
吾心集覽發婦猶知恤宗周之隕左傳昭二十四年鄭

也對曰妾婦不恤其緯而憂宗周之隕為將及焉注妾寡
婦也言寡婦不恤其緯而憂宗周之隕而往憂周室之隕滅為

恐禍將及已也宗周鎬京也有先周宗社故曰宗周詩
黍離閔宗周也注自幽王之亂而宗周城平王東遷下

列於諸侯備物典策備賜威儀之物及史官書策之典
使之依法書時事也板蕩注兄唐太宗貞觀九年少康

資一旅以城有窮左傳襄四年晉魏絳曰夏訓有之曰
有窮后羿公曰后羿何如對曰昔有夏之方衰也后羿

自鉏遷于窮石因夏民以代夏政恃其射也史記注禹
孫大康淫放為羿所逐夏人立其弟仲康仲康崩子相

立羿逐之自號有窮信用寒浞後浞殺羿襲有窮之號
殺夏帝相時相后緡方娠歸于有仍生少康於夏之遺

臣藥收斟灌斟尋二國之盛殺浞立少康時有田一成
有衆一旅卒威有窮括地志云故鄆城在滑州衛城縣

東十里河南有窮谷蓋本有窮氏所遷也句踐德會稽
以報彊吳春秋吳擊越敗之夫椒越王勾踐保棲於會

稽之山乃令大夫種行城於吳吳赦越句踐反國後越
伐吳復棲吳王大差於姑蘇之山遷之甬東而自殺句

古侯復會稽注見秦實諸葛氏琅琊人江沱詩江有
始皇帝三十七年實記篇江有沱之子歸注沱江

之別者爾雅曰水自河實出為難潛為潛江為沱

三月皇后杜氏崩夏四月葬恭皇后詔正土斷白籍實

實土斷注見武帝太康六年實秋代築盛樂城實感

咸名注見漢桓帝延熹二年實燕慕容恪鎮平郭實燕下漏

主景耀四年實燕慕容恪鎮平郭實燕下漏

燕王毓以恪為度遼將軍鎮平郭恪撫舊實平郭城

元帝大興四年實燕慕容恪鎮平郭實燕下漏

漢殺其僕射蔡興李疑實平郭城

初成主雄以儉約寬惠得蜀人心及李閔還盛稱鄴中
繁庶宮殿壯麗且言趙王虎以刑殺御下故能控制境

寅壬

內壽慕之大備宮室人有小過報殺以立威僕射

八年趙建武春正月朔日食○二月豫州刺史庾懌有罪

自殺

釋以酒餉江州刺史王允之允之覺其毒飲大犬斃密

卒資實庾懌鄆陵人亮之弟王允

夏六月帝崩琅邪王岳即位

帝幼冲嗣位既長頗有勤儉之意至是不豫或詐為尚
書符勅宮門無得內宰相衆皆失色更水曰此必詐也
推問果然帝二子不齊皆在襁褓水恐易世之後親屬
愈疎為人所間請以母弟琅邪王岳為嗣帝許之書
令何充曰父子相傳先王舊典且今將如孺子何水不
聽帝乃詔水充及武陵王晞會稽王昱尚書令諸葛恢
並受顧命而崩琅邪王岳即位資實元亮陰不言委政於水充

元平元年

封成帝子丕為琅邪王奔為東海王

書法丕奕其兄子也書成帝子何正名也

秋七月葬興平陵以何充都督徐州軍事

帝徒行送喪至闔闔門乃升素輿既葬臨軒度水何充
侍坐帝曰朕嗣鴻業二君之力也充曰陛下龍飛臣冰
之力也若如臣議不觀升平之世

資實元縣境內(濰口)郡名注見成帝咸康二年

冬十月燕遷都龍城○十一月燕王皝擊高句麗入丸都

載其王釗父尸及母以歸

慕容翰言於燕王皝曰宇文婁為國患今逸豆歸篡竊
得國群情不附加之庸闕將帥非才國無防衛軍無部

自注同前卷之二

伍臣久在其國悉其地形今若擊之百舉百克然高句
 麗去國密爾必乘虛掩吾不備此心腹之患也宜先除
 之還取宇文如返手耳二國既平利盡東海國富兵彊
 無返顧之憂然後中原可圖也孰曰善高句麗有二道
 北道平濶南道險狹衆欲從北道輸日虜必重北而輕
 南王宜帥銳兵從南道擊之出其不意虜必不取也
 列遣備師出北道縱有蹉跌其腹心已潰四支無能為
 也孰從之自將勁兵四萬出南道以翰及慕容霸為前
 鋒別遣長史王寓等將兵五萬出北道自帥羸兵備南道
 其王劍果遣弟武帥精兵拒北道高句麗兵大敗諸軍
 等先至與劍合戰武帥以大眾繼之毋妻會王寓等戰於北
 道皆敗沒入九都單騎之獲其母妻會王寓等戰於北
 之地不足戍守今其主亡民散潛伏山谷大軍既去必
 復鳩聚收其餘燼猶足為患請載其父屍因其生母而
 歸俟其束身自歸然後返之撫以恩信策之其也孰遂
 發劍父墓載其身勇男女之集覽劍音招高句麗王之名
 五萬餘口毀九都城而還之實實九都城名注見漢後主
 遺民也音才乃反注見宋實實九都城名注見漢後主
 文帝元嘉四年鳩合餘燼

國名注見新莽
 始建國四年

十二月立皇后褚氏

時徵后父諫章太守褚衷為侍中衷以后
 父不願居中任事乃除江州刺史鎮半州
 漢武帝元鼎五年一統志云平
 州城名在九江府城西九十里

趙作長安洛陽宮

趙王虎作臺觀四十餘所於鄴又營長安洛陽二宮作
 者四十餘萬人又勅境內治南伐西討東征之計皆三
 五發卒造甲者五十餘萬人船夫七十萬人公侯牧宰
 統營私利百姓失業員丘人李弘因怨謀作亂事發
 誅之陣空集覽三五發卒發起也遣也三丁發一五丁
 者數千家集覽發二以為兵卒員丘左傳齊襄公田于
 貝丘社預曰樂安郡博昌縣南有地名貝丘博蓋反
 字通作俱楚世家夕發俱丘徐廣曰在清河括地志云
 貝丘丘名也在今青州臨淄縣西北二
 十五里按樂安今棗州是屬濟南北路
 實實一統志云貝

屬濟南郡即漢之般陽縣東漢屬齊國劉宋屬清河郡
 北齊屬齊州隋改縣為淄川縣唐別置淄州宋金因之
 元改州為般陽路以縣為府郭本朝改路為淄川州
 以縣省入尋改為淄川縣屬濟南府鄒縣名注見漢獻
 帝建安十五年

趙徵兵入寇

濟南平陵城北石虎一夕移於城東南有狼狐千餘近
 隨之迹皆成蹊虎喜曰石虎者朕也自西北徙而東南
 天意欲使朕平蕩江南也其牧諸州兵總須者一百七
 親董六師以奉天命群臣皆賀上皇德須者一百七
 制征士五人出車一乘牛二頭米十五斛給十疋不
 辦者斬民醫子以仗猶不能給自經於道者望
 覽也親董爾雅曰董督正管實南郡名注見漢書帝三
 名為濟南郡治所唐改縣曰全節尋省入
 歷城縣故城在濟南府治東六十餘里

康皇帝建元元年

趙建武九年

春二月高句麗王劍朝貢于燕

燕還其父屍留母為質數年而後歸之

秋七月詔議經略中原使冀表遣梁州刺史桓宣伐趙

冀在武昌數有妖術欲移鎮樂鄉王述與度水陵口樂
 鄉去武昌千有餘里數萬之衆一旦移徙與立城壁公
 孫勞擾文江州當沂流供給力後增倍且武邑江東
 鎮成之中非但杆禦上流而已緩急赴告駿奔不難若
 後樂鄉遠在西陲一朝江渚有虞不相接救方救重將
 固當居要害之地為內外形勢使關隘之心不知所向
 昔秦忌亡胡之讖卒為劉項之資周惡壓弧之謠布成
 褒姒之亂是以連人君子直道而行穰避之道皆所不
 取正當擇入事之勝理社稷之長計耳冀乃止冀為人
 廉慨喜功名不尚浮華琅邪內史桓溫彞之子也尚南
 康公主豪爽有風采翼與之友善嘗薦於成帝曰溫有
 英雄之才願勿以常婿畜之宜委以方邵之任必有弘
 濟之勲時杜又毅浩並才名冠世翼獨弗之重也曰此
 輩宜束之高閣俟天下太平然後徐議其任耳浩累辭
 徵辟屏居十年時人擬之管葛謝尚王濛嘗伺其出費
 以卜江左興亡嘗相與省之知浩有確然之志既退相

謂曰傑源不起當如蒼生何翼請浩為司馬詔除侍中
 安西軍司浩不起當如蒼生何翼請浩為司馬詔除侍中
 談道實長華競明德君子遇會處際寧可然乎浩猶不
 起浩父羨為長沙相在郡貪殘度水與翼書屬之翼報
 曰發君驕豪亦似由有佳兒弟故小令物情容之大較
 江東之政姬煦蒙疆時有行法輒施之寒劣如往年論
 石頭倉米一百萬斛皆是豪將輩而殺倉督監以塞責
 山返為餘姚長為官出豪疆所截二千戶而衆共驅之
 令不得安席雖皆前宰惜謬江東事去寔與之由兄弟
 不幸橫陷此中不能後足於風塵之外當共明目而治
 之荆州所統二十餘郡唯長沙最惡惡而不默與殺督
 監者復何異邪翼以滅胡取蜀為已任遣使約燕涼刻
 期大舉朝議多以為難唯冰意與之同而極溫譙王無
 忌皆贊成之至是詔議經略中原翼欲悉衆北伐表桓
 宣督諸軍趣丹水桓温為前鋒小督帥衆入臨

集覽

亡秦者胡也始皇北邊從上郡入燕人盧生奏錄圖書曰
 胡亥秦二世名也始皇見圖書不知胡為人各反備此
 胡後秦果二世而亡繁孤之譏周本紀幽王變愛褒姒

周大史伯陽讀史記曰周亡矣昔自夏后氏之衰也有
 二神龍止於夏庭而言曰余褒之二君也夏后布幣而
 策告之龍亡而褒在積以藏之傳三代莫敢發至厲王
 之末發而觀之蔡流于甕不可除王使婦人裸而謀之
 蔡化為玄龜入王後宮童妾遭之而孕無夫而生女懼
 而棄之宣王之時童女謠曰檠孤箕服實亡周國後有
 夫婦賣是器者王使執而殺之夜得逃去於道聞所棄
 女夜啼哀而收之遂亡奔褒後褒人有罪請納此女以
 贖罪是為褒姒幽王見而愛之竟廢申后而立以為后
 故申侯怒與大戎攻幽王而殺之驪山下韋昭曰蔡侯
 裔反龍所吐沫也檠山桑孤弓也箕木名服矢房也檠
 隱曰龜亦作玩玩玄玩蜥蜴也方邵之任方謂方叔周宣
 王卿士宣王南征命方叔為將邵本作召召穆公也名
 虎亦宣王卿士命伐淮夷深源殷浩字王夷甫立名非
 真夷甫王衍字亦真不實也立虛名耳夷翼意謂殷浩
 不可如王衍大較猶言大略也較訖岳反姬煦豪疆樂
 記曰天地訢合陰陽相得煦姬覆育萬物鄭氏曰氣曰
 煦體曰姬煦許員反姬於凡反徐氏曰煦兄弟曰氣曰
 甫反煦物覆物者天之氣姬物育物者地之體姬煦豪
 疆者謂豪俠疆暴之人不加之刑法而反覆育之寒劣

寒微劣樂鄉今按樂鄉春秋郡國之地其正誤城吳陸抗所築在江陵松滋縣東一

志云樂鄉城名有三一在荆門州晉安帝時置一在巴東縣與羊祜對壘處一在荆門州晉安帝時置一在巴東縣

治東已上俱屬荆州府庾翼鄢陵人亮之弟水之兄南康公主成帝之女南康郡名注見梁簡文帝太寶元年

管葛謂管仲葛謂諸葛亮謝尚陽夏人鯁之子長沙國名注見漢獻帝興平元年石頭城名注見漢獻帝建

安十七年餘姚秦之縣名屬會稽郡即本後支庶所封以舜姓姚故名漢晉以後皆因之隋初省入句章縣唐

初復置又於縣置姚州尋廢州以縣屬越州宋仍舊元陸為餘姚州本朝復改為縣屬紹興府(舟水)漢之縣

名屬弘農郡晉屬順陽郡後魏置丹川郡後周郡廢故城在南陽府內鄉縣西南一百二十里(臨淮)郡名注見

新莽天鳳五年

發明

典午南渡奄喻三紀國步多艱未遑遠畧今石
虎阻兵安忍塗炭遺民方且移戈南向志吞江
表晉能不畏其強思所以自立朝議稍稍振起至是詔
議經略中原雖未能一舉盡定然亦足規其意向之

所在矣揭而書之所以尊中國存正統
示人以不忘克復之意其垂訓也大矣

漢主壽卒太子勢立。庾翼移鎮襄陽詔以翼都督征討

軍事庾永都督荆江等州軍事徵何充為揚州刺史錄尚

書事

考具提要無等州二字永和元年

翼欲移鎮襄陽恐朝廷不許乃奏移鎮安陸帝遣使譬
止之翼遂遺詔北行至夏口復請鎮襄陽翼時有衆四

萬詔加翼都督征討諸軍事遣水出鎮武昌以為繼援
徵充輔政又徵褚裒為衛將軍領中書令裒以近戚畏

嫌尋復出督資實襄陽郡名注見漢獻帝建安十二年
兖州鎮金城資實安陸縣名注見新莽地皇二年夏口

地名注見漢獻帝建安十三年武昌郡名注見漢後主
建興七年兖州注凡周安王五年金城注見元帝永昌

元年

書法

於是翼復請移鎮襄陽則其不書請何行而後
請也開復中原綱目所予也然違詔而行於臣

節為未順矣是故先書移鎮後書詔以為都督所以
微示譏焉自經畧之義既下桓宣便翼各一出桓溫
一出其間謝尚功無罪者桓溫之討姚襄也出謝尚
一出桓溫之討姚襄也出謝尚之功有謝尚之功有
著桓溫之討姚襄也出謝尚之功有謝尚之功有
之伐趙荀羨之北伐也諸
書春桓溫之北伐也諸
著桓溫之北伐也諸
發明 度翼欲移鎮襄陽帝遣使止之翼遂遺詔北行
何以略無賊詞是時晉憲江表中原論於左在在朝
諸人宴安自肆曾不以警厲為念獨翼志在克復能
以滅胡取蜀為已任是以前書翼移鎮襄陽下詔翼
翼表遣桓宣伐趙今此上書翼移鎮襄陽下詔翼
都督征討是皆示其子之書翼移鎮襄陽下詔翼
明乎此則知為臣者當以徇國為心為國者當以
復為念而好攻戰務
邀功者與此異矣

甲辰

二年

趙建武十年○漢
主李勢太和元年

春正月趙大閱罷兵

趙王虎享群臣於太武殿有白鴈百餘集馬道之南時
諸州兵集者百餘萬太史令趙攬曰白鴈集庭宮室將
空之象不且南行虎乃
臨宣武觀大閱而罷

燕王皝擊滅宇文部逸豆歸走死皝還殺其兄翰

燕王皝與左司馬高詡謀伐宇文逸豆歸詡曰伐之必
克然不利於將出而告人曰吾生必不返然忠臣不避
也於是皝自將以慕容翰為前鋒逸豆歸冠三軍宜小
夜干將交逆戰皝遣慕容翰曰步夜干勇冠三軍宜小
之翰曰汝夜干索有勇名一國所賴今吾克之其國不
攻自潰矣然吾氣遂進戰斬之宇文士卒不戰而潰燕
之勝遂之遂克其都滅逸豆歸走死漠北宇文氏由是
散亡皝徙其部眾於昌黎關地千餘里高詡中流矢卒
詡善天文皝嘗謂曰卿有佐書而不見與何以為忠蓋
詡曰臣聞人君執要人臣執職執要者逸執職者勞是
以宜親播種堯不預焉占候天文晨夜甚苦非至尊之
所宜親殿下將安用之皝默然翰與宇文氏戰為流矢
所中卧病積時後漸差於其家試騎馬或告翰欲為變

通鑑綱目卷之二十一
晉書卷之三十九
九

孰雖藉翰勇略然終忌之乃賜翰死翰曰吾負罪出奔
既而復還死已晚矣然獨賊跨據中原吾不自量欲為
國家蕩一區夏此志不遂集覽南羅大涉夜干南羅東夷
麗東南居漢樂浪地涉夜干其將之名忠憲詩文王之
什王之蓋臣文公集傳曰盡才刃反進也言其忠愛之
篤進進正誤南羅大涉夜干今按大謂一部實實昌黎
無已注見武帝太康元年后稷播種通鑑后稷名棄帝嚳之
子教民稼穡興於陶唐虞夏之際為農師封于邠號曰
稷

笑惑守房心趙殺其中書監王波

趙太子宣怒領軍王朗會笑惑守房使趙攬言於趙王
虎曰且以貴臣王姓者當之虎曰誰可者攬曰無貴於
王領軍虎問其次攬無以對因曰唯王波耳虎乃下詔
追罪波前議措矢事腰斬之既而怒其無罪追贈司空
集覽措矢遺漢今追尋其事而罪之實實笑惑守房
心注見漢

禽獸者罪至死增置女官二十四等大發民女三萬
人以配之郡縣多疆奪人妻殺其夫刑楚揚徐流潑格
盡守令坐不能緩懷下獄誅者五十集覽遠明姓名潑
餘人光祿大夫逮明切諫虎怒殺之音力玉反

實實靈昌津注見漢獻帝建安五年延實實郡名注見秦莊襄王元年

書法作官必書重民力也未有書大發民者書大發

宋書大起北宮繼書罷之為美辭漢永平三年

燕罷苑囿以給新民

燕王鈔以牛假貧民使佃苑中稅其什之八自有牛者
稅其七記室參軍封裕諫以為古者什一而稅天下之
中正也降及魏晉仁政衰薄猶不取其七八也今殿下
拓地三千里增民十萬戶其無田者十有三四是且悉
罷苑囿以賦新民無牛者官賜之牛不當更收重稅也
今官司猥多皆宜澄汰工商末利宜常負學生三年
無成富歸之於農參軍王憲大夫劉明近以言忤旨免
官禁錮長史守該阿媚苟容輕劾諫士不忠之甚者也

官禁錮長史守該阿媚苟容輕劾諫士不忠之甚者也

就乃下令悉從其言仍賜裕錢五萬宣示內外欲陳過
失者勿有所諱孰雅好文學常親臨庠序講授考校
徒至千餘人頗有質實見論語顏淵篇禁網注見漢章
妄濫者故裕及之質實見論語顏淵篇禁網注見漢章
之十和
元年

書法

書美也綱目書羅苑二
是年齊壬戌年
魏書以苑給民三詳漢元帝初元元年

發明

虎方大發民以治宮室而
孰乃羅苑同以給新
民均之夷狄也而所為不同若此綱目以此而書

之亦足見二
虜之優劣矣

以會稽王昱為撫軍大將軍錄尚書六條事

詔徵補哀輔政尚書劉遐說之曰會稽王令德雅望足
下宜以大政授之哀乃因辭歸潘昱清虛寡欲尤善玄
言常以劉淡王濛韓伯為談客邾超謝萬為塚屬超鑒
之孫也少卓犖不羈父惜簡默冲退而喪於財積錢至
數千萬常開庫任起所取超散施親故一集覽卓犖超
日都盡萬安之弟也清曠秀邁亦有特名絕也唐

書張柬之有卓犖奇材注卓
犖有材辯也犖音力角反

質實

劉淡沛國相人
穎川長社人邾超

二龍見于燕之龍山

燕有黑白二龍見于龍山交首遊戲解角而去燕王就
祀以太牢命所居新宮曰和龍是歲始不用晉年號自
稱十質實龍山注見唐太宗貞觀十九年天

秋十月江州都督庾翼卒以桓溫都督荆梁等州軍事

翼病表子爰之為荆州刺史爰以後任及卒朝議以諸
庾世在西藩人情所安欲從其請何充曰荆楚國之西
門戶口百萬北帶魏朔西隣蜀蜀得人則中原可定失
人則社稷可憂陸抗所謂存則吳存亡則吳亡者也豈
可以白向少平當之哉桓溫英略過人有文武器幹西
夏之任無出溫者丹陽尹劉惔每奇溫才然知其有不
臣之志謂會稽王昱曰溫不可使居形勝之地其位號
常宜抑之勸昱自鎮上流以已為軍司昱不聽以溫代

翼又以侯監沔中軍代庾方之

質實

庾方之鄒陵人翼之子

漢主勢殺其弟廣

漢主勢之弟廣以勢無子求為太弟不許馬當解恩明諫曰陛下兄弟不多若復有阿廢將益孤危固請許之勢疑其與廣有謀收斬之廣於涪城廣自殺恩明被收歎曰國之不亡以我數人在也今其始矣恩明有智略敢諫諍當素得人心及其死士民無不哀之

質實

涪城縣名注見漢光武建武十二年

冬十二月張駿自稱涼王

是歲駿分境內二十二郡三營為涼河沙州駿自稱大都督大將軍假涼王督攝之始置祭酒等官車服擬於王者

集覽

涼河沙三州名也俱在河湟之地地理沿革表置河州沙本漢武威郡晉立涼州河本漢金城郡後秦屬隴西郡漢屬金城隴西二郡東漢屬隴西郡晉屬晉郡秦始置河州隋廢改為抱罕郡唐復為河州天

寶初改為安鄉郡後隸于吐蕃宋收復置抱罕縣為涼河寨後陞為縣屬秦鳳路金復置河州屬熙州為元為河州路屬吐蕃宣慰司本朝改為河州衛軍民指揮使司屬陝西道沙州名注見唐莊宗同光元年

趙以姚弋仲為冠軍大將軍

弋仲清儉鯁直不治威儀言無畏避趙王虎甚重之

丙午

二年。趙建武十二年。漢嘉寧元年。

考異

當闕下分注涼王張重華末樂元

春正月揚州

刺史都鄉侯何充卒

質實

都鄉縣名注見漢章帝章和二年

充有器局臨朝正色以社稷為己任所選用皆以功效不私親舊卒謚曰文穆

燕襲夫餘拔之虜其王玄以歸

質實

天餘國名注見漢桓帝延熙九年

二月以光祿大夫蔡謨領司徒。三月以顧和為尚書令

殷浩為揚州刺史

褚哀薦顧和殷浩詔以和為尚書令浩為揚州刺史和
有母喪固辭不起謂所親曰古人有釋衰經從王事者
以其才足幹時故也如和者正足以處孝道傷風俗耳
浩亦固辭會稽正昱與浩書曰屬當厄運危弊理極足
下沈識淹長足以經濟若復深存挹退苟遂本懷吾恐
天下之事於此去矣足下去就即時之廢興也家國不
異宜深思之

集覽

義經注見武
帝泰始二年

夏四月朔日食○五月涼王張駿卒世子重華立

考異

去當

姓張

考證

立當

趙殺其尚書朱軌立私論朝政法

趙中黃門嚴生惡朱軌會久雨諸軌不備道路謗訕朝
政趙王虎囚之補洪諫曰陛下德政不備天降謨兩七
旬乃霽零方二日雖有鬼兵百萬亦未能去道略之塗
潦而况人乎願止作徒罷苑圍出宮文赦朱軌以副眾
望虎雖不悅亦不之罪為之罷長安洛陽作役而竟誅
軌又立私論朝政之法聽吏告其君奴告其主公卿以
敢相過觀談語

趙攻涼州張重華遣主簿謝艾將兵逆戰大破之

後趙遣將軍王擢麻秋擊涼州張重華張重華
裴恒將以禦之久而不戰司馬張統曰國之存亡在兵
兵之勝敗在將今議者舉將多推宿舊夫韓信之舉非
舊德也蓋才之所堪則授以事主簿謝艾兼資文武可
用也重華拜艾中堅將軍給步騎五千艾引兵出夜有
報重華牙中艾曰六博得梟者勝今梟鳴牙中克敵之
梟鳴牙與趙戰大破之麻秋之克金城也縣令車濟不
降伏劍而死秋又遣書誘致宛成都尉宋矩矩曰為人
臣功既不成唯死節耳先殺妻于而後自刎秋曰皆
義士也收

集覽

大博得梟者勝注見周
南陽郡宛城之

也成

集覽

中堅注見漢帝更始元
年

冬漢李奕舉兵攻成都不克而死

漢主勢驕陸不恤國事罕接公卿信任左右讒諂並進
刑罰苛濫由是中外離心太保李奕自晉壽舉兵反猥

至數萬勢登城拒戰射殺之蜀土先無獠至是始出

巴西至獠為梓潼布滿山谷十餘萬落不可禁制大為

漢四境蕭條集覽晉壽郡先主改漢壽郡晉文帝改晉壽

初邵安縣置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

漢郡宋置武寧軍元改廣元路郡本朝改為州又改益

十一月桓溫帥師伐漢

桓溫將伐漢情所及智者了於蜀中不必待候言皆合

大事固非常情所及智者了於蜀中不必待候言皆合

將欲除之宜先期易者李勢無道臣民不附且恃其險

遠不備戰備宜先期易者李勢無道臣民不附且恃其險

出其險要可一戰擒也蜀地富饒戶口繁庶諸葛武侯

軍既西胡必闕此似是有而非胡聞我萬里遠征以為

內有重備必不敢動縱有侵軼緣江諸軍足以拒守必

無憂也溫拜表即行委長史范汪以留事朝廷以蜀道

險遠溫眾少而博知之溫善博者也溫得則不必為或問

其故後曰以博知之溫善博者也溫得則不必為或問

制蜀之後專集覽直結反或又音逸溫善博者也不音

得則不為戰國時蘇代謂魏王曰博之所以貴也

便則食不便則止即此意也注見周赧王四十二年

實江夏國名注見漢獻帝建安子

實江夏國名注見漢獻帝建安子

更亮伐趙書表請成康五年於是溫亦拜表其

不書表請何削之也曷為削之拜表順也不待

而即行則專也綱目惡專直書曰

按春秋隱四年書翬帥師會伐鄭左氏謂宋公

乞師公弗許羽父固請而行君子謂翬已有無

師之心故春秋削去父子先期而往不待君命故春

秋不氏以賤之戒兵柄下移之失未幾果有鍾巫

之變此聖人垂訓於經所以戒後世制治未亂辨之

於未為也今為晉之桓溫舉兵伐蜀以一非征伐計

自天子出之意其與輦之固請不始君命及已非征伐

况其一舉成功則專兵跋扈蓋自此始綱目不書遣

溫伐漢而直晉桓溫帥師伐漢立不臣而後見邪雖然

於此何待他時擁兵制朝廢立不臣而後見邪雖然

晉之方鎮大率皆然獨於溫而正坐此爾夫征伐天

網不察所以終於不能克復者正坐此爾夫征伐天

子之權而使朝議若無所為者是以成則為桓溫劉

裕敗則為褚裒殷浩綱目皆正色書之初未嘗有

家者尚之意然則軍國大柄固不可一日不謹有天下

之者尚之意然則軍國大柄固不可一日不謹有天下

裕敗則為褚裒殷浩綱目皆正色書之初未嘗有

家者尚之意然則軍國大柄固不可一日不謹有天下

裕敗則為褚裒殷浩綱目皆正色書之初未嘗有

家者尚之意然則軍國大柄固不可一日不謹有天下

裕敗則為褚裒殷浩綱目皆正色書之初未嘗有

丁未

三年 趙建武十三年 春三月桓溫敗漢兵于笮

橋進至成都漢主勢降以為歸義侯

得軍至青衣漢大發兵趣合水以拒之諸將欲設伏於

江南以待晉兵將軍督堅不從引兵向犍為溫軍至彭

模議者欲分為兩軍異道俱進以分漢兵之勢表喬曰

今懸軍深入當合勢力以取一戰之捷萬一偏敗大事

去矣不如全軍而進棄去蓋既齋三日糧以示無還心

勝可必也溫從之留參軍孫盛將羸兵守鞏重自將步

卒直指成都進遇漢將李權三戰三捷漢兵走散替堅

至犍為乃知與溫異道還至則溫軍於成都之十里陌

矣堅衆自潰勢悉衆出戰于笮橋溫前鋒不利矢及溫

馬首衆懼欲退而鼓吏誤鳴進鼓表喬拔劍督士卒力

戰遂大破之溫乘勝長驅至成都縱火燒其城門漢人

惶懼無復鬪志勢真視面縛詣軍門溫送勢於建康引

漢司空譙獻之等以為參佐舉賢旌善蜀人悅
之留成都三十日振旅還江陵詔封勢為義侯
蜀郡青衣縣昔公孫述據蜀唯青衣不賓光武蒞之因
改名漢嘉今嘉定府是舊經云古有青衣國與叙州相
鄰其人因賈至蜀遂求內屬因以名縣晉堅姓名晉音
子感反策橋在蜀郡萬里橋西成都記云策竹索也以
竹篲為橋音昨
管為之策音昨
改縣為蒙山縣屬蒙山郡隋改為名山縣屬臨邛郡唐
宋金元俱因之
谷水未詳處所彭模地名未詳處所
三十六年策橋在成都府城西四里
後主炎興元年張華遣謝艾將兵擊破之
見漢宣帝神爵二年

夏四月趙攻涼州張重華遣謝艾將兵擊破之

趙麻秋攻抱罕晉昌太守郡坦欲棄外城武威太守張
俊曰棄外城則動衆心大事去矣固守大城秋帥衆八
萬圍塹數重雲梯地突百道皆進城中禦之秋衆死傷
數萬退保大夏張重華遣謝艾帥步騎三萬進軍臨河

艾乘輅車戴白帽鳴鼓而行秋望見怒曰艾年少書生
社服如此輕我也命黑稍趙人以為有伏兵懼不敢進
大擾艾踞胡床指麾處分趙人以為有伏兵懼不敢進
別將張瑁自閭道引兵截趙軍後趙軍退艾乘勢進擊
大破之趙王虎伏遣孫伏都帥步騎二萬會秋軍長驅
齊河艾又破之虎莫曰吾以偏師定九州今以九州之
力困於抱罕彼有
人焉未可圖也
陽縣夏戶雅反括地志云今并州晉陽及汾絳等州
是報車輅音遙徐廣曰馬車也服虔曰立乘小車也
誤麻秋攻抱罕退保大夏今按抱罕地在河西河州有
非晉陽也時晉陽
屬趙相去甚遠
二年武威郡名注見漢光武建武十年一統志云大夏
漢之縣名屬龍西郡取大夏河為名晉宋及隋皆因之
唐省入抱罕縣尋復置宋廢之故址在陝西
河州衛境內白帳中名注見惠帝太安二年

趙築華林園

趙築華林園

趙築華林園

趙築華林園

趙築華林園

趙築華林園

趙主虎據十州之地振欵財物不可勝記猶以為不足
 悉發前代陵墓取其金寶以厭其氣虎遂發於胡
 衰晉當復興宜苦後晉人以厭其氣虎遂發於胡
 十六萬人車十萬乘運土築華林苑及長橋于鄴北
 燭夜作暴風大雨死者數萬人國前後送蒼麟于山
 白鹿七虎命司震調之以駕芝蓋命太子宣祈福于
 川因行遊獵宣乘大輅羽葆華蓋建天子旌旗卒十
 八萬出自金明門虎乘凌霄觀望之笑曰我家父子如
 是自非天崩地陷當復何愁但抱子弄孫日為樂耳宣
 所舍縱獵士卒饑凍死者萬餘人牙過三州十五郡資
 諸皆無子遺虎復命秦公鞞繼出自并州至于秦
 雍亦如之宣怒其與已鈞敵宦者趙生勸宣除之
 同虞調之司震掌山澤之官調者趙生勸宣除之
 之義大輅玉輅也天子祀天所乘輅本作路陸佃云大
 子五輅其玉輅一曰大輅言於金輅為大賈達曰謂之
 路言行路也羽葆顏師古曰羽葆蓋天子之儀衛也合
 聚五采羽為幢名曰羽葆建於車上也葆音保華蓋前
 括筆談曰王衙法座香木為之如金飾四足墮角其前
 小偃織藤冒之華後曲蓋謂之華蓋也又說注見漢禮
 後皆繡亦有銷金者即古之華蓋也又說注見漢禮

帝延熹九年

舊貫

平郡名注見漢獻帝建安十五年西

冬十月以張重華為涼州刺史西平公

遣侍御史俞歸授重華官爵重華欲辭涼王未肯受詔
 使所親私謂歸曰主公奕世為晉忠臣今曾不如鮮卑
 何也歸曰吾子失言昔三代之王也爵之貴者莫若上
 公及周之衰吳楚始僭號稱王而諸侯亦不之非蓋以
 蠻夷畜之也惜使齊魯稱王諸侯豈不四面攻之乎漢
 高祖封韓彭為王尋皆誅滅蓋權時之宜非厚之也聖
 上以貴公忠賢故爵以上公任以方伯寵榮極矣豈鮮
 卑夷狄所可比哉且吾聞之功有大小賞有重輕今貴
 公始繼世而為王若帥河右之衆東平胡羯備復
 陵廟迎天子返洛陽將何以加之乎重華乃止
 漢高祖封韓彭為王
 事在漢高帝五年

楊初遣使稱藩詔以初為雍州刺史仇池公

舊貫

見唐玄

宗開元十一年京兆仇池

縣名注見惠帝元康七年

四年趙建武秋八月趙太子宣殺其弟韜伏誅

秦公韜有寵於趙主虎欲立之以太子宣長猶豫未決
宣謂所幸楊桓趙主曰汝能殺韜當以韜之國邑分封
汝等韜死主上必臨喪吾因行大事茂不濟矣八月桓
等殺韜虎哀驚氣絕久之方蘇將出臨其喪司空李農
諫曰害秦公者未知何人鑿輿不宜輕出虎乃止既而
事覺虎囚宣殺之鄴北窮極慘酷縱火焚之虎登中臺
觀之取灰分置諸門交道中殺其妻子九人宣小子邊
數歲虎素愛之抱之而泣欲救之大臣不聽取殺之兒
挽虎衣大叫至於絕帶虎因此發病
東宮衛士十餘萬人皆請成涼州
曰即午道也楚世家顧據午道注
鄭玄曰一縱一橫為午謂交道也
鑿輿注見漢文
帝元年鑿旗

加桓溫征西大將軍

朝廷論平蜀之功欲以豫章郡封桓溫左丞荀勗曰溫
若復平河洛將何以賞之乃加溫征西大將軍開府儀

同三司封臨賀郡公溫既滅蜀威名大振朝廷憚之會
晉王昱以殷浩有盛名朝野推服乃引為心膂為參綜
朝權欲以抗溫由是與溫寢相疑貳浩以王羲之為護
軍將軍羲之以為內外協和然後國家可安勸浩不宜
與溫構隙
浩不從
集覽參綜正義曰參錯綜核也又
注見惠帝元康七年綜世
臨賀漢之縣名屬蒼梧郡吳以縣置臨賀郡宋改曰臨
慶齊為臨賀國陳仍為郡隋廢郡置賀州大業初改臨
賀郡後又改級越郡唐改賀州或為臨賀郡宋仍為賀
州而臨賀縣常為治所元以桂嶺縣省入本朝初省
臨賀縣入州尋改州為縣屬平樂
府王羲之琅邪臨沂人導從子

九月燕王皝卒世子儁立

立當考證立當

皝有疾召儁屬之曰今中原未平方資賢傑以經世務
恪智勇兼濟才堪任重汝其委之陽士秋士竹高崇忠
幹貞固可託大事汝
善待之卒謚曰文明
里是也(士秋)
陽驚表字

趙立子世為太子

趙主虎議立太子太尉張舉曰燕公斌有武畧彭城公
導有文德惟陛下所擇虎之技上邽也將軍張射獲前
趙主驩幼女有殊色納於虎虎嬖之生齊公世豹乃說
虎曰陛下再立太子其母皆賊故禍亂相尋今宜擇毋
貴子孝者立之虎納其言令公卿上疏請之大司農曹
莫不肯署名虎問其故莫頓首曰天下重器不宜立少
故不敢署虎稱其忠而不能用
遂立世為太子以劉昭儀為后
贊實上邽縣名注見漢
書也遵之弒逆始此矣故謹書之

書法

冬十二月以蔡謨為司徒

謨上疏固讓謂所親曰我若為司
徒將為後代所哂義不敢拜也

五年

趙太寧元年

考異

分注元年下漏石鑿青龍
元燕慕容儁元一十字

春正月趙王

虎稱皇帝。趙謫戍梁犢反虎遣兵擊斬之

考異

擊當作

誅

趙主虎以即位大赦東宮高力等萬餘人
行遠雍城不在赦例高力督梁犢因眾怨
辨涼民斧施一丈柯女戰若神所向潰
至長安衆已十萬樂平王苞蓋統拒之
王試為大都督統步騎十萬討之
千餘人至鄴求見虎病未之見引為
主上召我來擊賊當而授方畧我豈為
不見我何為以知其存亡虎力疾見之
死怨邪何為而為兒時不擇善人交之
既誅之又何愁焉且汝父病所立兒幼
必亂當先憂此勿憂賊也犢等窮困恩
所能至老羗為汝一舉了之仲性猶直
敬之虎亦不羗之責賜以鎧馬弋仲曰
否乃被鎧跨馬于庭中因策馬南馳不
等擊犢於滎陽大破斬之虎命弋仲
趨進計平兩郡公以蒲洪為雍
州刺史都督秦雍封畧陽郡公

通鑑綱目卷之二十一

集覽

起也杜甫詩力疾而

坐清曉 羌姚弋仲南安 鶯實 下辨郡名注見漢光武

赤亭羌人也故自稱老羌 注見懷帝永嘉二年平西郡未詳沿

夏四月趙主虎卒太子世立其兄遵統之及其太后劉氏

而自立

趙主虎病甚以彭越王遵鎮關右燕王斌為丞相張豺為鎮衛大將軍並受遺詔輔政劉后恐斌不利於太子矯詔免歸第遵自幽州至鄴救朝堂受拜遣之涕泣而去虎臨西閣龍騰中郎三百餘人列拜於前曰聖體不安宜令燕王入宿衛與兵馬虎曰燕王不在內邪召以亦竟無行者尋昏眩而入豺遂矯詔殺斌虎卒世即位劉氏臨朝稱制遵至河內聞喪姚弋仲蒲洪及征虜將軍石閔等討梁犢還遇於李城共說尊曰陛下長且賢先帝亦有意以為嗣末年惜感為張豺所設今若聲豺之罪鼓行而討之其誰不開門倒戈以迎殺下者遵從之遂還越鄴耆舊獨士皆出迎之豺惶怖亦出迎遵

命執之擐甲曜兵入升前殿掃踊盡哀斬劉氏于市夷其三族假劉氏令以尊嗣位封世為譙王廢劉氏為太妃

尋皆殺之以石閔為都督中外諸軍事於是鄴中暴風

按樹震雷雨雹大如孟升太武暉華殿災及諸門觀閣

蕩然無餘金石皆盡火月餘乃滅時沛王冲鎮薊起兵

討遵使閔等討之冲兵大敗獲冲綬之阮其士卒三

萬集覽 鼓行顏師古曰謂擊鼓而行無所畏懼也兩

二十九秋大雨雹公羊傳注夫人專愛之雨生穀梁

傳注雹者陰脅陽臣侵君之象陽氣之在水兩則温熱

陰氣薄而脅之不 晉實 彭城郡名注見秦始皇二十八年

相入轉而成雹 年河內郡名注見漢桓帝延熹

九年季城未詳處所 郡名注見漢獻帝建安十四年

始二年 郡名注見漢成帝河平二年 郡名注見漢帝更

書法 負芻以庶兄書敘 秦王政十九年此則

發明 石虎縱暴阻兵安忍方其登臺觀二子耀兵之

時笑謂我家父子如此自非天崩地陷當復何

時笑謂我家父子如此自非天崩地陷當復何

然未幾一家骨肉自相屠割窮極慘毒國亦尋滅
無復遺育天地固未嘗崩陷也而羯賊父子果安在
哉綱目前前書太子宣殺弟韜伏誅此書虎卒世立兄
遵弑之所以見積惡之報曉然如此世之欲以強暴
自固者可
以觀矣

蒲洪遣使來降

石閔言於趙主尊曰蒲洪人傑也今鎮關中恐秦雍之
地非復國家之有宜改圖之遵從之罷洪都督洪怒歸
使來降

質實

抄頭地名注見成帝咸和八年

燕以慕容恪為輔國將軍

慕容霸上書於燕主僞曰石虎窮凶極暴天之所棄餘
盡惟存自相魚肉今中國倒懸企望仁恤若大軍一振
勢必投戈僞以新遣大喪弗許霸曰難得而易失者時
也萬一石氏復興或有英豪據其成資豈惟失此大利
亦恐更為後患僞猶豫未決將軍封奕慕輿擬曰用兵
之道敵強則用智敵弱則用勢今中國之民困於石氏

之亂咸思易主以救湯火之急此千載一時不可失也
自武宣王以來招賢養民務農訓兵正俟今日若復顧
慮豈天意未欲使海內平定邪將大王不欲取天下也
僞從之以慕容恪慕容評陽鶩為三輔將軍霸為前軍
都督選精兵二十餘萬

質實

武宣王慕容廆卒子

秋七月征討都督褚裒率師伐趙不克而還

桓溫聞趙亂出屯安陸遣諸將經營北方趙揚州刺史
王浹舉壽春降西中郎將陳達進據壽春征北軍將軍
褚裒上表請伐趙即日戒嚴直指泗口朝議以裒事任
貴重不宜深入且先遣偏師裒奏言前已遣前鋒王頌
之等徑造彭城後遣督護麋疑進據下邳今宜速發以
成聲勢乃加裒征討大都督裒疑進據下邳今宜速發以
方士民降附者日以千計朝野皆以中原指期可復蔡
謨獨謂所親曰胡滅誠為大變然恐更貽朝途之憂其
人曰何謂也謨曰夫能順天乘時濟群生於艱難者非
上聖與英雄不能為也自餘則莫若度德量力觀今日
之事殆非時賢所及必將經營分表疲民以逞既而材
略踈短不能副心財殫力竭智勇俱困安得不憂及朝

送乎魯郡民五百餘家起兵附晉求援於哀哀遣部將
王龕將銳卒迎之與趙將李農戰於代波敗沒不還哀
退屯廣陵陳達亦焚壽春積聚毀城遁還哀還鎮京口
鮮征討都督時河北大亂遣民二十餘萬口渡河欲來
歸附會哀已還威勢不接
集覽分表分劑
正設分表今

皆不能自按死亡略盡
省註分列屯戍畫境而守疲民以逞其志也如集覽說
則分字去聲猶言分外國經營分量之外也亦通王義
之諫殷浩北伐敗喪云以
實安陸縣名注見新莽地
前事為末工復求之分外
秦王政六年泗水之口注見秦始皇二十八年下
邳縣名注見漢高帝六年魯郡注見周太祖廣順二年

曲阜代波未詳處所廣陵郡名
注見漢武帝元朔五年淮南
書法袁亦表請矣不書表請書在詩都督何朝命也
後書詔以為都討
者異矣建元元年

發明恢復與兼并異兼并謂之會兵恢復謂之義兵
晉失中原子孫有能為恢復之計者皆當予之

故前書桓宣及趙戰于丹水敗績此書褚哀帥師伐
趙不克而還皆無貶詞一以存中國之體二以伸義
士之氣三以示不忘讐恥之心具與春秋書乾時之
戰雖敗亦榮者同意固非予其窮兵黷武也君子詳
觀綱目所書之
旨思過半矣

九月張重華自稱涼王

重華屢以錢帛賜左右又喜博奕頗廢政事索振諫曰
先王勤儉以實府庫正以讐恥未雪志平海內故也今
畜積已虛而寇讐尚在豈可輕有耗散以與無功之人
乎漢光武躬親萬機章奏請闕報不終日故能隆中興
之業今章奏停滯下情不得上通沈寃
集覽索振各反

困於國固始非明主之事也重華謝之
何氏姓苑曰**實**博奕應劭云博局戲也奕圍棋也
索姓出牧煌曰**實**圍獄名風俗通曰夏曰夏臺商曰
里周曰囹圄爾雅曰囹圄領也
圍禦也領錄曰徒禁禦也

梁州刺史司馬勳伐趙拔宛城

梁州刺史司馬勳伐趙拔宛城

趙樂平王苞謀帥關右之衆攻鄴苞貪而無謀雍州豪傑知其無成並遣使告晉梁州刺史司馬勳帥衆赴之出駱口破趙成壁于懸鉤去長安二百里三輔豪傑多殺守令以應之趙主遵遣王朗帥精騎二萬以拒勳為名因劫苞送鄴勳兵火不敢進

集覽

駱口駱谷口也駱谷注見漢後主延

熙七年懸鉤城名屬京兆在長安縣西二百里

資實

梁州注見周報王四年漢中宛城注見周報王十七

年雍州注見唐玄宗開元十一年京兆

書法

於是趙雍州豪傑不樂其帥遣使告晉勳帥衆赴之既而以兵少不敢進拔宛城而還則小勝也大書伐趙何予義且伐趙也

冬十一月趙石鑒弒其主遵而自立

初趙主遵之發李城也謂閔曰努力事成以爾為太子既而立太子衍閔素驍勇屢立戰功既摠內外兵權乃撫循殿中將士中書令孟準勸遵誅之十一月遵召義陽王鑒等入議於鄭太后前太后不可鑒出告閔閔遂

劫李農使將軍蘇彥周成帥甲士執遵及太子衍殺之推鑒即位鑒以閔為大將軍李農為大司馬并錄尚書

實實

武帝太清二年

書法

弒遵者石閔也其書鑒何於是遵將殺閔與鑒謀之鑒以遵謀告閔又受其立則首惡也書弒

主謀者兄越也書曰立其弟期則期亦與聞乎弒而

已非鑒此也

發明

考之分注石遵之死乃石閔殺之今綱目乃歸

晉歸于楚弒其君虞于乾谿考之左氏乃公子棄疾

召此齊而立之楚子虞遂縊于乾谿然春秋不書棄疾弒君而書公子比者比受其所立休於利而忘其

義故被以大惡而不可辭其事正與石鑒如出一轍

綱目取其於中國從可知矣噫此

秦雍流民立蒲洪為主

秦雍流民相帥西歸路由枋頭共推蒲洪為主眾至十餘萬鑿懼其逼欲以計遣之乃以洪為雍州牧洪會官屬議應受與不主簿程朴請且與趙連和分境而治洪怒曰吾不堪為天子邪引朴斬之

十二月徐充都督褚裒卒以荀羨監徐充軍事

考異 軍字上漏

州字

裒還至京口間哭聲甚多以問左右對曰皆代陂死者之家也裒慙憤發疾卒以羨代之時羨年二十八中興方伯未有如

賈實

荀羨穎陰人松之子

趙石閔幽其主鑿殺胡羯二十萬人

趙主鑿使樂平王苞夜攻石閔李農不克鑿懼偽若不農鑿曰好奸為官陳力勿慮無報也於是伏都等攻閔農又不克閔農攻斬伏都等以兵守鑿於衙龍觀懸食

給之下令城中曰孫劉講逆支黨伏誅良善一無預也今日已後與官同心者留不同者各任所之敕城門不為已用遂帥趙人誅胡羯無貴賤男女老少長皆斬之死者二十餘萬其也或曰方者皆命趙人為將帥者誅之或曰高鼻多鬚監死者半

發明

天道好還之意矣書殺胡羯二十萬人雖快之也亦

哀之也

燕遣使如涼州

約張重華共擊趙

庚六年 趙主石祗永安元年。魏主冉閔永興元年。春閔

正月趙石閔殺鑿而自立改國號魏

考異

當從提要而要而鑿

上通其
主二字

閑欲滅去石氏之迹託以識文有繼趙李更國號曰晉
 易姓李氏時新興王祗鎮襄國公侯卿枝出奔從之者
 萬餘人諸將張沈張賀慶等禰與戰於城比敗之遂與李農
 閔汝陰王琨帥眾伐禰閔與戰於城比敗之遂與李農
 擊張賀慶于石瀆鑿密召張沈使乘虛襲禰宦者以告
 閔農發鑿殺之并殺趙主虎三十八孫盡滅石氏司徒
 中鍾等上尊號於閔閔以讓農農固辭閔曰吾屬故晉
 人也請與諸君分割州郡各稱牧守公侯奉迎天子還
 都洛陽何如尚書胡陸曰陛下聖德應天宜登大位晉
 氏衰微遠竄江表豈能總馭英雄混一四海乎閔曰尚
 書可謂識機知命矣乃質實新興郡名注見海平閔曰尚
 即皇帝位國號大魏質實新興郡名注見海平閔曰尚
 義帝元年汝陰郡名注見齊主齊
 卷永元二年石續地名未詳處所

書法 前書幽其主鑿矣此其不書純何鑿閔同弒其
 弒其君而溫殺顯則書殺而不書討此綱目之權衡也
 其君而溫殺顯則書殺而不書討此綱目之權衡也

發明

楚公子棄疾魯弒其君爰于乾谿而春秋歸
 公于比臣前已論之矣至此已立為君而更春
 秋則以棄疾殺公子比書之先儒謂此之去就
 行上選速皆國人所為而此未嘗可否安得為棄疾
 之君故春秋但以其殺公子比而此則以殺鑿書之者其事
 事雖前已書幽其主鑿而此則以殺鑿書之者其事
 正與楚公子比相類故也又况石氏窮凶極惡而閔
 乃晉之故民本姓內氏初非錫賊之種故天假手誅
 之綱月書殺而不書弒既本春秋之旨又以見
 貴華賤夷之意怨閔所以惡錫也其旨嚴矣

以殷浩督揚豫等州

考異 提軍要州下有

朝廷開中原大亂復謀進取故以浩為中軍將軍督
 揚豫徐兗青州蒲洪為征北大將軍督河北諸軍事

蒲洪自稱三秦王改姓符

姚弋仲蒲洪各有據關右之志弋仲遣其子襄擊洪洪
 迎擊破之自稱大都督大將軍大單于三秦王改姓符
 氏以雷弱兒梁集覽改姓符注見懷帝
 魚遵段陵為將相

二月燕王儁擊趙拔薊城徙都之

燕王儁與慕容霸慕與于將兵三道出塞以伐趙趙守將皆走儁遂拔薊欲悉坑其士卒霸諫曰趙為暴虐王與師伐之將以極民於金炭而撫有中州也今始得薊而坑其士卒恐不可以為王師之先聲乃釋之儁入都于薊中州士女降者相繼燕兵至范陽太守李陞欲為石氏拒燕眾莫為用乃帥八城令長出降儁悉置幽州郡縣守宰

魏主閔復姓冉氏

閔以李農為太宰錄尚書事遣使者持節赦諸軍屯皆不從

石虎養以為子

故趙將麻秋殺符洪洪子健斬秋遣使來請命

初趙將麻秋為符洪所獲以為軍師將軍說洪曰冉閔石祗方相持中原未可平也不如先收關中基業已固

然後東爭天下洪深然之既而秋因宴鴆洪欲并其眾世子健收秋斬之洪謂健曰吾所以未入關者以為中州可定今不幸為堅子所困中州非汝兄弟所能辦我死汝急入關言終而卒健代統其眾乃去王號稱晉官爵告喪

請命

書法 故趙將何子義也然則郭循亦故魏臣也殺漢費偉後主延熙十六年何以書盜逆順之辭也

書斬不書殺洪子也

趙石祗稱帝於襄國

祗既稱帝六夷據州郡擁兵者皆應之祗以姚弋仲為右丞相待以殊禮弋仲子襄雄勇多才祗以為驃騎將軍又以符健為鎮南大將軍

魏殺其太宰李農

魏主閔既殺農遣使臨江告晉曰逆胡亂中原今已誅之能共討者可遣車來也朝廷不應

夏五月廬江太守袁真攻肥合肥克之

廬江郡名注見漢景帝五年

王胡聞趙亂自長安赴洛其司馬杜洪據長安自稱晉

征北將軍關西夷夏皆應之符健欲取之乃治宮室於

枋頭課民種麥示無西意防石自稱晉征西大將軍都

督關中雍州刺史悉衆而西以魚遵為前鋒為浮梁以

濟孟津遣弟輔國將軍雄帥衆五千自潼關入兄子揚

武將軍菁帥衆七千自軹關入臨別謂菁曰若事不捷

汝死河北我死河南不復相見既濟焚橋自帥大衆隨

雄而進洪使張先逆戰于潼關之北大敗走還洪懼固

守長 集覽 軹關關名曰軹在 集覽 孟津注見漢帝玄更

安 集覽 軹關關名曰軹在 集覽 孟津注見漢帝玄更

獻帝建安十六年一統志云 集覽 孟津注見漢帝玄更

軹關在懷慶府濟源縣西 集覽 孟津注見漢帝玄更

故趙將張賀度等會兵討魏不克 集覽 孟津注見漢帝玄更

趙故將張賀度等會于昌城將攻魏主聞自將擊之

戰于養亭賀度等大敗其俘其衆而歸聞戎卒三十餘

萬 集覽 軹關關名曰軹在 集覽 孟津注見漢帝玄更

石 集覽 軹關關名曰軹在 集覽 孟津注見漢帝玄更

處 集覽 軹關關名曰軹在 集覽 孟津注見漢帝玄更

未詳 集覽 軹關關名曰軹在 集覽 孟津注見漢帝玄更

書法 集覽 軹關關名曰軹在 集覽 孟津注見漢帝玄更

何 集覽 軹關關名曰軹在 集覽 孟津注見漢帝玄更

魏主閔徵故散騎常侍辛謐為太常謐不食而卒

故晉散騎常侍隴西辛謐有高名歷劉石之世徵辟皆

不就魏主閔備禮徵為太常謐遺閱書以為物極則反

致至則危君王功已成矣因茲大捷歸身晉 集覽 致

朝必有由夷之廉享喬松之壽矣因不食而卒 集覽 致

則危注見周報王四十三年必有由夷之廉享喬松之

壽由許由夷伯夷喬王喬松赤松子也戰國秦策蔡澤

說范雎曰君何不歸相印讓賢者授之必有由夷之廉

長為應侯世稱孤而有喬松之壽孰與以禍終哉皇

甫謐高士傳曰許由字武仲聞堯致天下而讓焉乃遁

於箕山伯夷商末孤竹若長子也父卒伯夷讓弟叔齊

通鑑紀事本末卷二十一

而逃於首陽山喬松之壽質實龍西郡名注見秦土

至八書不與焉終綱目書徵賢二十有一書不

發明胡羯迭據中原智能之士亦往往有立其朝者

知義亦何不可之有劉石辟召既皆不就至再閱召

臣節故存其王爵以貴之爾君

子觀此可不安於義命也歟

秋九月燕徇冀州取章武河間

初渤海賈堅少尚氣節仕趙為殿中督及趙亡堅還鄉

里擁部曲數千家燕慕容評徇渤海招之不降與戰擒

之以為樂質實注見帝奕太和四年河間郡名注見漢

帝玄更始二年一統志云渤海漢之郡名治浮陽縣東

漢徙治南皮晉為渤海國宋為渤海郡後魏置滄州隋

為渤海郡治陽信後徙治清池唐改滄州大寶初改

軍唐改橫海軍宋改長蘆入清池金陞臨海軍屬河北

東路元改隸河間路本朝仍為滄州以清池縣省入

屬河間府樂陵郡名注

見宋明帝泰始三年

冬十一月符健入長安遣使來獻捷

健長驅至長安杜洪奔司竹健以民心思晉乃遣參軍

杜山伯詣建康獻捷并修好於桓温於是秦雍夷夏皆

附質實見漢光武建武元年天水雍州名注見唐玄宗

開元十一年

十二月免蔡謨為庶人

謨除司徒三年不就職詔書屢下終不受於是帝臨軒

上命無人臣之禮若人主卑屈於上大義不行於下亦不復知所以為政矣公卿乃奏請送廷尉謨懼帥子弟素服詣闕稽顙曰蔡公今日事危明日必有桓文之舉荀羨入朝語詰曰蔡公今日事危明日必有桓文之舉荀羨乃止詔免人

集覽

桓文之舉齊桓晉文五霸之巨者挾天

書法

免例有三免其官者無罪之辭也其以罪免者有罪之辭也其免者薄乎云爾之辭也書免蔡

大夫則前領司徒已書之矣故於此止書名

發明

孔子君命召不俟駕而齊王欲見孟子則辭以疾後世不敢以孟子為非而亦不敢不以孔子

為是二者孰從而折衷之蓋孔子則事君盡禮者也若夫孟則當仕有官職而在孔子則事君盡禮者也若夫非食其祿而臣之者故惡其詐而辭之爾非曰要君

亥辛

七年

趙未寧二魏永興二年。秦主苻健皇始元年。是歲趙亡舊大國一涼代燕小國三新大國一凡五僭

考異

秦高祖符健春正月日食。鮮卑段龕以青州來

降

初段蘭死於令支龕領其衆因石氏之亂南徙廣固至是來降以為鎮北將軍封齊公

集覽

廣固

縣名漢地志齊郡有廣縣晉地道記廣
 縣在東莞郡按東莞今營州沂水縣是
 曹嶷所築有大瀾其廣因曰廣固在青
 州益都縣西四里實慕容超所都處
 咸康四年一統志云廣固城名在青州府城西八里堯
 山之陽晉永嘉末前趙於此築城有大瀾其廣因之為
 固改名後為
 劉裕所夷

符健自稱秦天王

健左長史賈玄碩等請依劉備稱漢中王故事表健為
 都督關中諸軍事大單于秦王健怒曰吾豈敢為秦王
 和且晉使未返我之官爵非汝曹所知也既而密使梁
 安弼玄碩等上尊號遂即天王大單于位國號大秦

二月魏主閔圍趙主祗於襄國姚弋仲及燕王儁遣兵救

魏主閔攻襄國百餘日趙主祗危急乃去帝號稱王遣
 太尉張舉乞師於燕計送傳國璽將軍張春乞師於姚

弋仲弋仲遣其子襄救之誠襄曰冉閔棄仁背義晉城
 石氏我受人厚遇當為復讎老病不能自行汝才十倍
 於閔若不梟擒必不復見我燕王儁遣兵將兵往
 會之閔遣中郎常煒使於燕儁使封裕詰璽所在煒曰
 在鄴裕曰張舉言在襄國何也煒曰彼求救者為妄誕
 之辭爾儁乃積柴其旁使裕以其私誘之煒辭不變左
 右請殺之儁曰彼不憚殺身以徇其主忠臣也使出就
 館夜使其鄉人往勞之且曰若何以不實言王怒欲處
 君於遼碣之聚柰何煒曰吾結髮以來尚不欺布衣况
 人主乎曲意苟合性所不能直情盡言雖沈東海不敢
 避也遂卧向壁不復言儁乃囚之於龍
 城後知張舉之妄乃殺舉而釋煒之囚
 也際水出高句麗在遼陽郡之北碣石在北
 平郡驪城縣西南河口之地今平州之南
 見漢光武建武三年遼水注見漢昭烈章
 武元年碣石山注見秦始皇三十二年

三月魏主閔及趙燕姚襄之兵戰敗績

考異 提要作魏
 兵敗績

姚襄及趙石琨各引兵東救襄國魏主閔遣將軍胡睦
 拒襄於長蘆孫威拒琨於黃丘皆敗還閔欲自出擊之

衛將軍王泰諫曰今襄國未下外被雲集若我出戰必
 腹背受敵此危道也不若固壘以挫其銳徐觀其釁而
 擊之道士法饒進曰太白入昴當殺胡王百戰百克不
 可失也闕攘袂大言曰吾戰決矣敢沮眾者斬乃悉眾
 出與襄魏戰悅縮適以燕兵至去魏兵數里疏布騎卒
 曳柴揚塵魏人望之恟懼襄魏縮三而擊之趙王祗自
 後衝之魏兵大敗闕與十餘騎走還鄴將士死者十萬
 餘人姚襄還頭姚弋仲怒其不擒閱杖之一百閱之
 為趙相也所徙青雍幽荆之民及氏羗胡蠻數百萬口
 以趙法禁不行各還本土道路交錯互相殺掠其能達
 者十有二三中原大亂因寶實本漢參戶縣地隋初置
 以饑疫人相食無復耕者寶實長蘆縣并置障河郡後廢唐屬滄州宋省入清池縣今
 為都轉運蘆使司治所故址在河間府舊滄州西北四
 十四里黃丘地名去詳處所太白入昴也晉天文志云昴
 元年昴宿名西陸大梁之次胃昴畢也胡星也若動搖主胡兵大起
 趙遣其將劉顯伐魏不克胡星也若動搖主胡兵大起
 趙遣其將劉顯伐魏不克胡星也若動搖主胡兵大起

秦遣使問民疾苦

秦王使分遣使問民疾苦搜羅僞其寬重斂之稅弛
 離宮之禁罷無用之器去侈靡之服凡趙之苛政不便
 於民者皆除之

夏四月司馬勳會杜洪等兵擊秦敗還

杜洪遣使召梁州刺史司馬勳勳帥步騎三萬赴之秦
 王健禦之於五丈原勳屢戰皆敗退歸南鄭健以賈玄
 碩始者不上尊號銜之使集覽五丈原索隱曰在扶風
 人告玄碩與勳通殺之使鄠縣城中南鄭注見周
 安王十寶實五丈原注見漢後
 五年寶實上建興十三年

趙劉顯弒其主祗而自立○秋八月魏徐充荆豫洛州來

晉加秦兵書伐此其書擊何
 會杜洪也綱目正誼不謀利

趙劉顯弒其主祗而自立○秋八月魏徐充荆豫洛州來

降

質實

襄州注見秦莊

燕慕容恪取中山

中山春秋白

格入中山遷其將帥士豪數千家詣

集覽

中山春秋白

中山國後改定州今

質實

中山國名注見周

威烈王二十三年

姚弋仲遣使來降

詔以弋仲為車騎大將軍六夷大都督子襄為平北將軍督并州

質實

并州注見齊明

冬十二月桓溫移軍武昌尋復還鎮

初桓溫請經畧中原事久不報知朝廷杖殷浩以抗已甚念之然素知浩之為人亦不之憚以國無他彙遂得相持彌年雖有君臣之跡羈縻而已八州士衆資調殆不為國家用屢求北伐不聽至是拜表輒行帥衆四五萬頓流而下軍于武昌朝廷大懼浩欲去位以避溫又欲以騶虞備駐溫軍吏部尚書王彪之欲言於會稽王昱曰若浩去職人若抗表問罪卿為之首欲作匹夫豈有全又謂浩曰彼若抗表問罪卿為之首欲作匹夫豈有全

地邪且當靜以待之令相王手書為陳成敗彼必旋地若不從則遣中詔又不從乃當以正義相裁奈何無忽聞卿此謀意始得了無軍司馬高崧為呈草書曰非足下而誰然異常之舉衆之所駭遊聲嗾嗜想足下亦少聞之苟或望風振擻有一時崩散則望實並喪社稷之事去矣吾與足下雖微有內外安社稷保家國其致一也當先思寧國而後圖其外區區誠懷豈可顧讎而不盡哉溫即上疏惶恐致謝回軍還鎮○朝廷將行郊祀是問於彪之曰應有赦否彪之曰應有赦否彪之曰應有赦否

發明

今此書移軍武昌尋復還鎮則其專輒自如惟

書法

桓溫跋危不臣綱目前修而亂臣賊子懼

正誤

外望實並喪今按不若辭作

集覽

望實並喪今按不若辭作

資調

資調資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

資財

資財調賦相王會稽王昱尊實威望軍實

子至

八年

魏永興三秦皇始二年。是歲魏亡。大二小二凡四僭國。考異 揚要

燕容儁

春正月朔日食。秦王健稱皇帝。

健以單于統壹百蠻非天子所宜領以授太子萇

杜洪司馬張瑀殺洪自稱秦王

杜洪張瑀屯宜秋洪自立以右族輕瑀瑀遂殺洪而自立

魏克襄國殺劉顯遷其民於鄴

劉顯嘗書弑其主矣此其不書討何不討予而巳矣故止書殺

趙汝陰王琨來奔斬之

汝陰郡名注見齊主寶卷永元二年

石氏

石氏窮凶極惡今其鵬類來奔殺之且矣故特書之

殷浩使督統謝尚荀羨進屯壽春張遇據許昌叛降于秦

尚書左丞孔嚴言於殷浩曰此來衆情良可寒心不知使君將何以鎮之愚謂宜明受任之方韓彭專征伐蕭曹守管箚深思蕪蘭厥身之義平勃交歡之謀令穆然無間然後可以保大定功降附之徒皆人面獸心恐難以義感也浩不從上疏請北出許洛以謝尚荀羨為督統進屯壽春初魏豫州牧張遇以州來降至是尚等不能無慰之遇怒傷許昌叛降于秦浩軍不能進命羨鎮下邳

張遇之叛尚殺之也必書殷浩使何罪使之者也凡功罪書使歸其上也是故呂布之誅董卓

張遇之叛尚殺之也必書殷浩使何罪使之者也凡功罪書使歸其上也是故呂布之誅董卓

書王允使漢獻帝初平三年謝尚之激張遇書殷浩使是年祿山之敗於奚契丹書張守珪使唐玄宗開元二十四年皆歸功罪其上者也

三月姚弋仲卒子襄卒眾來歸詔屯譙城

弋仲有子四十二人及病謂諸子曰石氏待吾厚本欲為之盡力今已滅矣中原無主我死汝亟自歸於晉當執臣節無為不義也及襄與秦兵戰敗遂帥眾歸晉詔襄屯譙城襄單騎渡淮見謝尚干壽春尚聞其名命去伏衛幅巾待之歡若平生襄傳

發明

弋仲之卒也其卒不書死何弋仲雖夷而有向華以來未有戎狄作天子者我死汝便歸晉竭臣節無為不義之事嗚呼弋仲親見劉石之稱皇帝而言無戎狄作天子其心蓋亦知其黨類僭竊之非奈何中國之人反助夷以侵華甚者又稱獎而進之其視弋仲豈但天淵哉

夏四月燕慕容恪等擊魏大破之執其主閔以歸燕之

魏主閔既克襄國因遊食常山中山諸郡夏燕王偽造恪等擊之閔趣常山恪追及於魏昌之燕臺燕兵十數皆不勝閔素勇而無謀一夫敵耳其士卒饑疲甲兵殊精將士曰閔勇而無謀一夫敵耳其士卒饑疲甲兵殊精其實難用不足破也閔所將多叛卒將趣林中恪參軍高開曰吾騎兵利平也若閔得入林不可復制百亟遣輕騎邀之既合而陽走誘致平地然後可擊也恪從之魏兵還就平地恪分軍為三部謂諸將曰閔性輕銳又自以眾少必致死於我厚集中軍之陳以待之俟其合戰卿等從旁擊之無不克矣乃擇鮮卑善射者五千人以鐵鉤連其馬為方陣而前閱乘千里馬左操雙刃矛右執鉤戟以擊燕兵斬首三百餘級望見大幢知其潰圍東走其馬忽斃為燕兵所執送於龍戩慕容評帥精騎攻鄴魏大將軍蔣幹及太子智閉城拒守城外皆降於燕

常山注見漢光武建武九年夏作一

向讀時維四月魏昌縣名屬中山

質實

燕臺未詳處

帝奕太和四年和龍

五月秦主健擊張琚斬之。魏人造使請降

秦中大饑人相食故趙特宮人被食盡蔣幹遣侍中繆高奉表請降且求救於謝尚

六月謝尚得傳國爾獻之

考異 獻之當作來獻

初謝尚使戴施據枋頭施聞蔣幹求救乃帥壯士百餘人入鄴助守三臺給幹得傳國爾宣言使督護何融迎糧陰令懷璽送于枋頭

謝尚攻張遇于許昌秦人救之尚等敗績殷浩退屯壽春

考異 據上書張遇據許昌叛則此攻字當作討

尚與姚襄共攻張遇秦主健遣丞相東海王雄等救之戰于穎水之誠橋尚等大敗奔還淮南殷浩自許昌退屯壽春雄徙遇及陳穎許洛之民五萬餘戶於關中以楊群為豫州刺史鎮許昌

陳穎二州

賈賈

東海國名注見秦二世二年鄭穎水屬開封見漢後主建興二年許昌縣名注見

獻帝與平元年陳穎許洛四年許昌注見秦莊襄王元年三川

年許昌洛注見秦

書法

張遇前書叛矣此其不書討勝攻何遇之叛尚激之也書叛以正遇罪而謝尚不書討權衡之

也辭

秋八月燕慕容評攻鄴克之遂留守鄴。九月殷浩進屯

泗口

浩之北伐也中軍將軍王羲之以書止之不聽既而無功復謀再舉羲之遺浩書曰今以區區江左天下寒心固已久矣力爭武功非所當作自頃處內外之任者未

有深謀遠慮而疲竭根本各從所志竟無一功可論遂

今天下將有土崩之勢任其事者豈得辭四海之責哉

今軍疲於外資竭於內保淮之志非所復及莫若還保

長江督將各復舊鎮自長江以外羈繫而已引咎責躬
更為善治省其賦役與民更始庶可以救倒懸之急也
若猶以前事為未工復求之於分外宇宙雖廣自容何
所此愚智所不鮮也又與會稽王昱牋曰今雖有可嘉
之會內求諸已而所憂乃重於所喜功未可期遺黎
盡以區區吳越經緯天下十分之九不亡何待而不度
德量力不弊不基須根立勢舉謀之未晚浩不從進先
為不可勝之基須根立勢舉謀之未晚浩不從進先
口遣戴施擲石集覽封內謂封賞實元鳳元年會稽國
門劉邀戍倉垣集覽封內謂封賞實元鳳元年會稽國
名注見漢和帝永元元年石門山名注
見漢光武建武八年倉垣未詳處所

罷遣太學生徒

浩以軍興罷遣太學生徒學校由此遂廢

發明

授文德者帝王之利器威武者文德之輔助嘗聞
名誤國處非其任今乃以軍興之故至於罷遣太學
生徒然朝論亦無有非之者直筆書之可愧甚矣

冬十月謝尚攻許昌克之。十一月燕王儁稱皇帝

故趙將擁兵據州郡者各遣使降熙群僚共上尊號
許之始置百官即皇帝位詠言獲傳國璽改元元璽
所推已為帝矣改司州為中川建留是於龍都以為中國
為尚書專集覽我承人之謂無人可為帝我承此空
委留務司州注見秦莊襄王元年三川龍都即龍城注見晉
實帝奔太和四年和龍中州注見楚義帝元年新安

九年秦始皇三燕夏五月張重華攻秦上邽拔之詔進重

華涼州牧。秋七月秦殺其司空張遇

初張遇降秦秦主健以為司空而納其繼母韓氏為昭
儀數於衆中謂遇曰卿吾假子也遇恥之陰結關中豪
傑欲滅苻氏以其地來降事覺伏誅於是關中豪
傑數人各擁衆數萬遣使來請兵秦皆攻城之
宗開元十一年

通鑑綱目卷之二十一 晉穆帝永和九年

書法 張遇為秦司空陰結豪傑欲滅苻氏則反也其

目勸反正 故其辭怨

殷浩遣兵襲姚襄不克冬十月遂率諸軍北伐襄邀敗之

浩走譙城

姚襄屯歷陽以燕秦方疆未有北伐之志乃夾淮廣興
屯田訓厲將士浩在壽春惡其疆盛囚襄諸弟屢遣刺
客刺之客皆以其情告襄浩潛遣將軍魏憬帥眾五千襲
之襄斬憬并其眾浩愈惡之遷襄蠡臺表授梁國內史
襄益疑懼遣參軍權翼使於浩浩曰身與姚襄北共為
王臣平北每舉動自專甚失輔車之理翼曰平北共為
絕也今將軍輕信讒慝與晉室者有隙謂猜嫌之道宰輔明哲
不在彼也浩曰平北生殺自由又掠吾馬王之臣之體固
若足乎翼曰竊完之人亦王法所不容也殺之何害浩
曰然則掠馬何也翼曰將軍謂平北雄武難制終將討
之故取以自衛耳浩笑曰何至是也初浩陰遣人誘秦

梁安雷若兒使殺秦主健許以關右之任弱兒恃為許
之且請兵應接浩聞張遇作亂以為安寺事成遂自壽
春帥眾七萬北伐欲進據洛陽備復園陵王彪之上會
稽王昱機以為容有詐為未應輕進不從浩以襄為前
驅翼度浩將至偽遁而陰伏甲以邀之浩追至山桑襄
縱兵擊之浩大敗棄輜重走保譙城襄俘斬萬餘悉收
其資仗使兄益守山桑而復如淮南也 集覽 孟臺史炤
謂彪之曰君言無不中張陳無以過也 日地名在
梁國屬豫州輔車左傳僖五年輔車相依唇亡齒寒注
輔頰輔也車牙車也音及奢反周易咸其輔頰舌注
如字馬云上領也虞作補云耳目之間也說 質貫 歷陽
文輔頰骨也牙車牙所載也張陳張良陳平 質貫 郡名
注見漢中帝末嘉元平北也謂姚襄蓋襄為平北將軍
故云一統志云山桑漢之縣名屬沛郡光武時王常封
山桑侯即此晉隋屬譙郡故城在鳳陽府蒙城縣北州
七里今城內有亭基陵阜高峻又注見懷帝永嘉五年
書法 王師比伐襄邀敗之是反矣不書反何專罪浩
浩書襲而襄無罪而浩襲之浩免而襄降燕則襄
以叛書襲而桓溫書討矣浩軍書遂譏不備也

通鑑綱目卷之二十一 晉穆帝永和九年

發明

去春方書姚襄率衆來歸詔屯譙城未聞有反側之意投浩乃無故遣兵襲之既不能克又復使之前驅是驅之使叛也浩之所為乖繆若此乃欲經畧中原其敗宜矣綱目據事直書所以著浩之失不然襄既歸朝而又邀敗王師則必以反書之矣

十一月西平公張重華卒子曜靈立

考異

當去張姓立當作嗣

重華有疾曜靈纔十歲立為世子重華庶兄祚有勇力吏幹而傾巧善事內外與嬖臣趙長等結異姓兄弟謝文以抱罕之功有寵左右諸臣出入侍且言祚及長等將為權倖用事公室將危乞聽臣入侍且言祚及長等將為亂宜盡逐之重華疾其手令徵文輔政祚長等匿而不宣重華卒曜靈立稱涼州刺史西平公長等矯遺令以祚輔質

祚輔

質實

酒泉郡名注見漢武帝元朔三年

十二月姚襄徙屯肝胎

襄濟淮屯肝胎招掠流民衆至七萬分置守宰勸課農桑遣使詣建康罪狀殷浩并自陳謝

質實

胎肝

縣名注見秦二世二年建康郡名注見漢獻帝興平二年金陵淮水名注見漢后主建興二年

以謝尚都督江西淮南軍事

鎮歷陽

涼州廢其主曜靈立張祚為涼公

考異

按名號例曰替稱帝者曰主據分注

曜靈稱涼州刺史西平公此當書曰涼州廢其刺史曜靈書主乃傳誤矣涼州長史趙長等以時難未夷宜立君長乃廢曜靈而立祚祚既得志恣為淫虐殺重華妃裴氏及謝艾

燕以慕容霸守常山

慕容恪屢薦霸有命世之才宜擢大任故燕王用之

質實

常山郡名注見漢光武建武九年

寅甲

十年

秦皇始四燕元璽二年春正月張祚自稱涼王祚自稱涼王張祚和平元年春正月張祚自稱涼王免官郎中丁琪復諫曰自武公以來世守臣節抱忠履

免官郎中丁琪復諫曰自武公以來世守臣節抱忠履

謙故能以一州之衆抗舉世之勇師徒歲起民不告疲

今而自尊則中外離心安能以一隅之地拒天下之疆

敵乎祗大實武公謂張軌卒謚曰武帝建興

殷浩以罪免為庶人徙信安以王述為揚州刺史

浩連年北伐師徒屢敗糧械都盡桓溫因朝野之怨上

疏請廢之朝廷不得已免浩為庶人徙之信安自此內

外大權一歸於溫矣浩少與溫齊名而心競不相下溫

嘗輕之浩既廢雖愁怨不形辭色常書空作咄咄怪

事字久之溫謂掾郝超曰浩有德有言饗為令僕足以

儀刑百揆朝廷用違其才耳將以浩為尚書令以書告

之浩欣然許焉將答書慮有謬誤於開閉者十集覽書空

數竟達空函溫大怒由是遂絕卒於徙所書空作咄咄

咄咄事字世說殷浩被廢終日恒畫書四字而已按咄咄

吏人尋議逐之竊視唯作咄咄怪事四字而已按咄咄

驚怪聲增韻注咄咄語也范雲至駿門不得入咄咄云

咄咄亦此意實東漢置新安縣晉改曰信安屬東陽郡隋

接此耳實東漢置新安縣晉改曰信安屬東陽郡隋

初屬婺州唐初置衢州治此咸通中始改西安

宋元仍舊本朝因之為衢州府治所仍屬焉

書法曷為以罪書襲姚襄以取敗浩之罪也故雖桓

溫疏請不書殷浩之廢不出於朝廷而由於桓溫何不以桓

發明溫奏免殷浩書之浩率意自用連年喪師溫因

朝野之怨疏請廢之奏雖在溫而罪則在浩故但書

浩以罪免而不及溫若曰浩非有能免之者浩自以

罪免也既曰罪矣則

溫雖不請庸可已乎

二月桓溫帥師伐秦

溫統步騎四萬發江陵水軍自襄陽入均口至南鄉

步兵自浙川趣武關命司馬勳出子午道以伐秦集

覽均巴均水之口在均州漢地志丹水東流折入均水

鄉音向浙川後魏郡晉改順陽郡後魏復為南鄉屬荆州

浙音先的後魏郡晉改順陽郡後魏復為南鄉屬荆州

浙音先的後魏郡晉改順陽郡後魏復為南鄉屬荆州

注見漢後主
正誤
南鄉今按
實
一統志云均水在襄陽府均州前漢地理

郡注見漢帝更始元年折
書法
嘗書桓溫帥師伐漢矣於是復書桓溫帥師伐秦罪專也故後雖一書其功而專行之罪則不

可以功掩所以示
臣子之大義也

姚襄叛降於燕。夏四月桓溫大敗秦兵于藍田進軍灊
上三輔皆降

桓溫別將攻上洛獲秦荊州刺史郭敬進擊青泥破之
秦主健遣太子萇等帥眾五萬拒溫戰于藍田秦兵大
敗溫轉戰而前進至灊上萇等退屯城南健與老弱六
千固守長安小城悉發精兵三萬遣大司馬雷弱兒等
與萇合以拒溫三輔郡縣皆來降溫撫諭居民使安堵
復秦民爭持牛酒迎勞男女夾路觀之耆老有垂泣者

曰不圖今日
復觀官軍
集覽
藍田注見周
實
上洛縣名注見

燕以慕容恪為大司馬
燕王儁以恪為大司馬錄尚書事封太原王評為司徒
封上庸王霸為吳王德為梁公暉為中山王陽鶩為司
空初燕王皝奇霸之才故名之曰霸將以為世子群臣
諫而止然龍遇猶踰於世子由是儁惡之以其嘗墜馬
折齒更名曰跌尋以其應識文更名曰垂遷侍中錄留
臺事徙鎮龍城垂大得東北之和儁愈惡之遂召還

實
周赧王十一年見
實
周赧王十一年見

五月江西流民叛降姚襄詔屯兵中堂謝尚入衛
江西流民郭敞等千餘人執陳留內史劉仕降於姚襄
建康震駭以尚書周閔為中軍將軍屯中堂謝尚自歷
陽還衛京師
實
陳留國名注見周顯王二十五年
固江備守
實
年京師注見周顯王二十五年

實
年京師注見周顯王二十五年

桓温及秦兵戰不利六月師還

北海王猛少好學周儻有大志不屑細務人皆輕之猛當
 世之務若無入温異之問曰吾奉天子之命將銳兵
 十萬為百姓除殘賊而三秦豪傑未有至者何也猛曰
 公不遠數千里深入敵境今長安咫尺而度灞水百
 姓未知公心所以不至温嘿然無以應徐曰江東無卿
 此也乃署猛軍謀祭酒温與秦丞相雄等戰于白鹿原
 温兵不利死者萬餘人初温指秦麥以為糧既而秦人
 悉芟麥清野以待之温軍乏食徙關中三千餘戶而歸
 欲與猛俱還猛辭不就秦太子萇等隨温擊之此至潼
 關温軍屢敗失亡以萬數符雄擊司馬勳勳亦奔還漢
 中温之屯霸上也順陽太守薛珍勸温退乃還
 弗從珍以偏師獨濟頗有所獲及温退乃還
 顯言於眾自矜其勇而咎温之持重温投之還
 注被平聲得之衣賤者所服孟子衣褐趙疋曰以毛毳織
 之前書張良傳老父衣褐頭師
 古曰褐制若裘今道士所服

質實

桓帝永康元年平王

猛劇人華陰縣名注見漢獻帝興平二年長安縣
 見漢惠帝五年灞水注見秦王政二十三年一
 百鹿原在西安府藍田縣西五里周平王時有白鹿
 此晉書符離與桓冲戰於白鹿原即此順陽郡各注見
 惠帝永
 興二年

發明

桓温不臣綱目既著其專輒之迹矣至其有功
 而亦不泯其實者何也晉遷江表氣息奄奄温
 有經濟之才儻有英主駢而用之弔伐遺黎克復舊
 壤有不難者惟晉無馮馭之君故温有跋扈之志至
 其經畧之功則不可掩故上書大敗秦兵進軍霸上
 者序其績也此書戰秦不利六月師還者諱其敗也
 凡此類皆以尊中國之體存正統之義此固綱目貴
 筆賤夷之旨豈以温故而輕重其筆哉要在觀者味
 而思之也

秦東海王苻雄卒

秦主健弟東海王雄卒健哭之嘔血曰天不欲吾平四
 海亦何奪吾元才之速也雄以佐命元勳位兼將相權

俾人主而謙恭沈愛遵奉法度故健重之常曰元才吾
之周公也子堅襲爵堅性至孝幼有志度博學多能交
結英豪呂婆樓疆汪及
略湯梁平老皆與之善
其丙切者云氏姓符秦
后強氏當時多此姓秦

秦大饑

十一年

秦主苻生壽光元燕元
四年。涼去年號

考異

當圈下分注涼王
張玄靚太始元春

二月秦大蝗

百草無遺牛
馬相蹴毛

夏秦立子生為太子

秦太子苻長拒桓温中流矢死淮南王生幼無一目性羸
暴其祖洪常戮之曰吾聞瞎兒一淚信乎生怒引佩刀
自刺出血曰此亦一淚也洪大驚觀之生曰性耐刀樂
不堪鞭捶洪謂健曰此兒狂悖宜早除之不然必破人

家健將殺之雄曰兒長自應改何可遽爾及長力舉千
鈎手格猛獸走及奔馬擊刺騎射冠絕一時疆后欲立
少子晉王柳秦王健以識文
有三羊五眼乃立生為太子

集覽

手格格擊也杜詩中
原正格闕注相抱而

殺之
曰格

姚襄據許昌

襄阿部多勸北還
襄乃進據許昌

六月秦主健卒太子生立

健勤於政事數延公卿咨講治道承趙人苛虐奢侈之
後易以寬簡節儉崇儒禮士由是秦人悅之至是寢疾
引大帥魚遵丞相雷弱兒太傅毛貴司空王墮尚書令
梁撈僕射梁安段純等受遺詔輔政謂太子生曰六夷
酋帥及大臣執權者若不從汝命宜漸除之健卒生即
位大赦政元群臣奏曰未踰年而政元非禮也生怒窮
推議主得段純殺之司馬公曰顧命大臣所以輔導嗣
子為之羽翼也而教使剪之能無斃乎知其不忠則勿

通鑑綱目卷二十一
晉穆帝永和五年
而巳矣仁已大柄又從而
結之鮮有不召亂者也

秋九月秦殺其后梁氏及太傅毛貴等

中書監胡文言於秦主生曰此有星孛于大角熒惑入東井不出三年國有大喪大臣戮死願陛下脩德以禳之生曰皇后與朕對臨天下可以應大臣矣乃殺皇后及車騎梁僕射受遺詔輔政可以應大臣矣乃殺皇后及毛貴梁僕射受遺詔輔政可以應大臣矣乃殺皇后及

閏月涼州弒其君祚立張玄靚為涼王

涼王祚僭虐上下怨憤惡河州刺史張瓘之疆使索孚代之瓘斬孚起兵傳檄州郡瓘祚復立瓘靈將軍宋混合眾萬餘人以應之祚殺瓘靈混聞之為之發哀軍至姑臧張瓘弟瑊開門納之趙長等懼罪入閣呼張重華母馬氏立瓘靈弟玄靚為主諸將攻長等殺之祚素失眾心莫肯為之鬪者遂見殺梟其首城內咸稱萬歲混瑊上玄靚為大將軍西平公復稱建興四十年時玄靚始七歲瓘至推為涼王自為都督中外諸軍事尚書

令以混為尚書僕射

質實 河州注見永和三年姑臧縣名注見元帝建武元年

發明

廢國靈而立祚者長史趙長諸人也及祚為帝廢立故祚死反以弒君之罪加之一國之人若曰祚不足以為君而君之者涼州之人也夫既君之而又殺之是舉一州之人皆弒君之賊爾凡此類皆以誅

賊亂之黨弒之漸殺其君塞源之論為萬世戒也此與春秋書齊弒其君商人同意

冬十月詔謝尚鎮壽春。十一月燕慕容恪擊段龕

龕與燕主儁書抗中表之儀非其稱帝儁怒遣恪擊之

十二月秦殺其丞相雷弱兒

弱兒性剛直以僕射趙韶董榮亂政每公言於朝見之常切齒韶榮譖之於秦主生殺弱兒及其九子二十七孫於是諸羌皆有離心生雖在諫陰遊飲自若彎弓露刃以見朝臣錘鉗鑿鑿備置左右即位未幾后妃公卿

下至僕隸凡殺五百餘人

賈賈

諒陰注見漢昭帝元平元年

辰丙

十二年秦壽光二年春正月燕慕容恪大破段龕兵進圍

廣固

賈賈

見廣固城名注

段龕弟熙驍勇有智謀言於龕曰慕容恪善用兵加之衆甚若聽其濟河進至城下恐雖乞降不可得也請兄固守熙帥精銳拒之於河幸而戰捷兄帥大衆繼之若其不捷不若早降猶不失於千戶侯也龕不從熙固請不已龕怒殺之恪遂引兵濟河龕帥衆拒戰大破之龕友辟閭蔚被創恪聞其賢遣使求之則已死矣龕還城固守恪**集覽**辟閭蔚名也音尉又紆弗反進軍圍之

秦殺其司空王墮

墮性剛峻董榮及侍中疆國皆以佞幸進墮疾之如讐會有天變榮國言於生曰宜以貴臣應之生乃殺墮

涼州遣使稱藩于秦

秦晉王柳遣參軍閻負梁珠使於梁張璠兄之曰我晉臣也臣無境外之交二君何以來辱負珠曰晉王與君鄰藩故來修好君何怪焉璠曰吾盡忠事晉於今六世矣若與征東通使是上違先君之志下驕士民之節其可乎負珠曰晉室衰微久矣涼之先王北面三趙唯知機也今大秦威德方盛涼王若欲自帝何右則非秦之敵欲以小秦事大則曷若捨晉事秦長保福祿乎璠曰州好食言嚮者石氏使車適返而戎騎已至吾不敢信也負珠曰張先固非石氏之兵不服先帝討而擒之救其罪戾寵以爵秩固非石氏之此也璠曰必如君言秦之威德無敵何不先取江南天下盡為秦有征東何辱命焉負珠曰江南文身之俗道汚先秦有征東何辱命若君不達天命則江南得延數年之命而河右恐非君之士也璠曰我跨據三州帶甲十萬西苞葱嶺東距大河伐人有餘况於自守何畏於秦負珠曰貴州山東固孰若嶺函民物之饒孰若秦雍杜洪張瑒因趙氏成資有囊枯關中帝巷四海之志先帝戎旗西指冰消雲散旬月之間不覺易主主上責州將何以待之璠曰茲控弦百萬鼓行而西未知責州將何以待之璠曰茲

事當決之於主非身所了負珠曰涼主雖英睿風成然
年在幼冲國家安危繫君一舉耳矍懼乃以玄靚之命
遣使稱藩於秦秦因玄靚所稱官爵而授之

集覽

臣無境外之交記檀弓上曰古之大夫束脩之問不出竟元郊特牲曰為人臣者無外交聘弓鏃矢不出境場

傳隱元年襄內諸侯不正其外交聘弓鏃矢不出境場
疏云古者以弓矢相聘問臣無竟外之交故弓鏃矢不出境場

管實

言

揚子重黎篇或問信曰不食其言注不食言者謂言既
出則當信而行之所謂不食若一出言而不依其言而

行則如自食其言也漢獻帝建安十年函關名注見

陳文帝天嘉六年襄括注見漢桓帝永嘉元年括襄

以桓温為征討大都督督諸軍討姚襄

温請移都洛陽脩復園陵不許而詔温討襄

書法

帥師以何君命也與直書帥師而削其官者異矣

發明

姚襄前此歸晉未幾為殷浩所襲東網自歸則
晉朝亦必有以處之既不能然乃叛降于燕則下

喬入谷忘其先人遺訓者也又况招納叛民震動京
邑則襄非前日之襄矣是以綱目前書其叛此書討

之皆正名以定其罪襄雖欲曲辭其惡不可得也况
桓温屢駕戎車惟此書以為都督則見其出於朝命

而襄之罪尤著矣狼子野心果可以純臣待之乎

夏四月秦太后彊氏以憂卒

長安大風發屋拔木秦宮中驚擾或稱賊至宮門晝閉
五日乃止秦主生推告賊者剗出其心彊太后弟平諫

曰天降災異陛下當愛民事神緩刑崇德以應之乃可
弭也生怒鑿其頂而殺之太后以憂恨卒生復下詔曰

朕受天命君臨萬邦有何不善而謗讟之音扇滿天下
殺不過千而謂之殘虐行若比有未足為希方當峻刑

極罰復如朕何自去春以來灌關之西至于長安虎狼
食人羣臣請讓之生曰野獸饑則食人飽當自止何讓

之有且天豈不愛民哉正以
犯罪者多故助朕殺之耳

秋八月桓温敗姚襄于伊水遂入洛陽修謁諸陵置戍而

還考異 提要修 實實 伊水注見漢 高后三年

發明 自中原淪陷諸陵廢祀雖有忠臣義士徒能北望慨想而已今温進軍討伐遂能入洛脩謁亦足少伸臣子之情矣綱目詳而書之蓋予之也

○襄北走據襄陵

初魏將周成降晉反據洛陽姚襄攻之喻月不克長史王亮諫曰今頗兵堅城之下力屈威挫或為他寇所乘此危道也襄不從桓温自江陵北伐遣督護高武據魯陽將軍戴施屯河上自帥大兵繼進與襄屬登平乘樓望中原嘆曰遂使神州陸沉百年立墟王夷甫諸人不得中任其責記室表宏曰運有興廢豈必諸人之過温作色曰昔劉景升有千斤大牛噉芻豆十倍於常牛負重致遠會不若一羸犢魏武入荊州殺以享軍至伊水襄撤圍拒之匿精銳於水北林中遣使謂温曰承親帥王師以來襄今奉身歸命願物三軍小却當拜伏路左

温曰我自開復中原展敬山陵無豫君事欲來便前何煩使人襄拒水戰敗奔北山襄勇而愛人雖戰屢敗民知襄所在輒扶老携幼馳而赴之温追之不及弘農陽亮自襄所來奔温問襄之為人亮曰襄神明器宇孫策之儔而雄武過之周成帥眾出降温屯金墉謁諸陵脩毀壞各置陵令表謝尚鎮洛陽令穎川太守毛穆之等戍之徙降民三千餘家於江漢之間襄奔平陽秦并州刺史尹赤復以眾降襄遂據襄陵

陸沉神州中國也注見懷帝永嘉五年陸高平地沉溺也神州陸沉謂中原淪沒也猶王道陵夷之義韻會注陵夷言王道頽替若立陵之漸乎此亦陸沉之意史記東方朔傳陸沉於俗索隱曰司馬彪曰謂無水而沉之是也立墟空城也前漢息夫躬傳寄居立亭師古曰立墟也賈誼傳社稷為虛詩定之方中篇升彼虛矣注虛通作墟朱氏曰故城也夷甫王衍字景升三國魏劉表字實魯陽縣名注見漢獻帝初平元年北山注見漢文帝三年弘農郡名注見周顯王四十五年金墉城名注見魏元帝咸熙二年穎川郡名注見蔡二世三年平陽郡冬注見周威烈王二十三年襄陵縣名注見周

晉書

卷一百一十五

五

顯王十七年

書法 脩陵必書重山陵也終綱目書脩陵五詳漢獻帝初平元年

冬十月朔日食○十一月段龕降燕慕容恪悉定齊地

燕諸將請急攻廣固洛曰用兵之勢有宜緩者有宜急者若彼我勢敵外有疆援恐有腹背之患則攻之不可不急若我疆彼弱無援於外當羈縻守之以待其斃兵法十圍五攻正謂此也龕兵尚衆未有離心今憑阻堅城上下戮力我盡銳攻之計數旬可拔然殺吾士卒必多矣自有事中原兵不暫息吾每念之夜而忘寐奈何輕用其死乎要在取之不必求功之速也軍中聞之人感悅於是為高牆深塹以守之龕嬰城自守樵采路絕城中人相食龕面縛出降恪撫安新民悉定齊地龕竟為雋所殺并阮其從三千人

集覽 十圍五攻

遣司空車灌如洛陽脩五陵

詔遣灌等持節如洛陽脩五陵帝及群臣皆服總臨於太極殿三日

升平元年

秦主苻堅永興元年燕光壽元年

考異

提要分注作秦世祖堅

春正月朔帝

冠太后歸政徙居崇德宮

書法

徙辭有二徙太后居其宮者逆辭也太后徙其宮者善辭也終綱目書太后徙居二太后遷居一皆善辭也詳漢昭帝元平元年

○燕以乙逸為左光祿大夫

逸自幽州刺史被徵夫婦共載鹿車子瑋從數十騎服飾甚麗奉迎於道逸大怒閉車不與言到城深責之瑋循不悛逸常憂其敗而瑋更被擢任歷中書令御史中丞逸乃歎曰吾少自脩立克已守道僅能免罪瑋不治節儉專為奢縱而更居清顯此豈唯瑋之忝幸實時世之陵夷也

管贊

幽州注見唐高祖武德四年鹿

車如淳曰鹿車者謂車之狹小僅容一鹿或以人推之故曰鹿車

二月太白入東井

秦有司奏太白罰星東井秦分必有暴兵起京師秦主生曰太白入井自為渴耳何足怪乎
集覽
太白
罰星東井秦分天官書察日行以處位太白日庚辛主
殺殺夫者罰出太白東井雍州星也漢天文志太白西
方秋金義也言也人主義虧言失逆秋令傷金氣罰見
太白孫炎注爾雅云太白晨出東方高三丈命曰啓明
昏見西方高三舍命曰長庚詩大東篇東有啓明西有
長庚朱氏曰啓明長庚皆金星也以其先日而出故謂
之啓明以其後日而入故謂之長庚蓋金星二星常附
日行而或先或後但金大水小故獨以金星為言也太
史公曰秦之疆也侯在太白正義曰東井八星秦之分
野太白西之方之星故秦占侯也又太白經天注見唐高
祖武德九年東井注
見漢武帝元封元年

夏四月姚襄據黃落秦遣兵擊斬之弟萇以眾降秦

襄將圖關中進屯杏城羌胡及秦民歸之者五萬餘戶
遂據黃落秦遣廣平王黃眉東海王堅將軍鄧羗禦之
襄堅壁不戰羌謂黃眉曰襄為桓溫所敗銳氣喪矣然
其為人疆狼若敵謀揚旗直壓其壘彼必忿恚而出可
一戰擒也乃帥騎三千壓其門而陳襄怒出戰羗陽
敗定襄追至三原羌迴騎擊之黃眉等以大眾繼至襄
等大敗羗而斬之弟萇帥其眾降秦以公禮葬襄黃眉
等還長安生不之賞數眾辱之黃眉怒謀弑生發覺伏
誅
質實
杏城鎮名注見漢獻帝建安十七年黃落地名
未詳處所廣平郡名注見漢武帝元封四年
諫誼呼貌三原縣名注
見唐代宗廣德元年

六月秦符堅弑其君生自立為天王

生夢大魚食蒲又長安謠曰東海大魚化為龍男皆為
王女為公生乃誅魚遵及其子孫自以取目諱言殘缺
偏隻少無不具之類誤犯而死者不可勝數剝人面皮
使之歌舞以為樂群臣得保一日如度十年東海王堅
素有時譽與故姚襄參軍薛讚權翼善讚翼密說堅宜
早為計勿使他姓得之堅以問尚書呂婆樓婆樓曰僕
刀環上人耳不足以辦大事僕里舍有王猛者其人謀
略不世出宜請而咨之堅因婆樓以招猛一見如舊友

語及時事堅大悅自謂如玄德之遇孔明也會太史令
 康權言於生曰昨夜三月並出星入太微連東井自
 去月上旬沉陰不雨以至子今將有下人謀上之禍生
 悉以為妖言僕殺之夜對侍婢言曰阿法兄弟亦不可
 信明高除之婢以告堅及堅兄清河王法法與梁平老
 帥壯士潛入雲龍門堅與呂婆樓帥麾下繼進宿衛將
 士皆舍仗歸堅生猶醉寐堅兵殺之堅以位讓法法曰
 汝嫡嗣且賢宜立堅乃去帝號稱大秦天王誅生倖臣
 董榮趙韶等三十餘人大赦改元立子宏為太子法為
 丞相弟融為陽平公子丕為長樂公李威為左僕射呂
 婆樓為司隸校尉王猛為中書侍郎又以權翼為黃門
 侍郎薛讚為中書侍郎與猛並掌機密融好文學明辯
 過人耳聞則誦目過不忘力敵百夫善騎射擊刺少有
 令譽堅愛重之常與共議國事融經綜內外刑政脩明
 薦才揚滯補益弘多不亦有文武才幹治民斷獄皆亞
 於融威荷太后之姑子也生屢欲殺堅賴威營救得免
 威知王猛之賢常勸堅以國事任之堅謂猛曰集覽
 李公知君猶鮑叔牙之知管仲也猛以兄事之星
 入太微春秋文十四年有星孛入于北斗注字音佩猶
 康音勅海字韻會注孛或作第穀梁傳曰孛之為言猶

第也范甯解云劉向曰彗星亂臣之類言邪亂之臣
 並弒其君也又有星孛于注見漢武帝元封元年大
 注見漢景帝後三年撲弒殺後實帝陽平郡名注見孝武
 擲而擊殺之也撲弒角反實帝太元九年長樂郡
 名注見秦二世二年撲弒角反實帝太元九年長樂郡
 信都李公謂李威也發明以生之狂悖不道猶以弒書何哉商辛暴虐微
 而不取取而代之者守君臣之定分安義命之常理
 也符堅夷狄固不足責此然網常所在未始以夷
 狄而遂泯綱目正名定罪歸獄於堅所以
 杜弒殺之禍嚴萬世之防也其慮深矣

秋七月秦冀州牧張平降

平故趙將據新興鴈門西河太原上黨上郡之地壁壘
 三百餘夷夏十餘萬戶初降燕又降秦至是來降欲以
 中立實新興郡名注見秦武元九年鴈門郡名
 自固實秦王政三年西河郡名注見周威烈王
 二十三年大原郡名注見齊明帝建武三年上黨郡
 名注見周赧王五十三三年上郡注見秦王政三年

八月六皇后何氏

故散騎侍郎準之女也禮如咸康而不賀

集覽

禮如咸康成帝咸康二年立皇后杜氏帝臨軒遣使備六

禮逆何準潛人

冬十一月燕徙都鄴

燕主偽夢趙主虎齧其臂乃發虎墓求屍不獲購以百金得於東明觀下僵而不腐偽數其殘暴之罪而

投於漳水

秦王堅殺其兄東海公法

秦太后苟氏遊宣明臺見東海公法之第門車馬輻奏恐終不利於秦王堅乃與李威謀賜法死堅與法款於

東堂慟哭歐血封其子陽

集覽

輻奏注見漢文帝五年清河縣名注見漢安帝

建元元年

書法

矣

殺法者苟太后李威也堅乃慟哭與諷者其資書堅何誅心也不書堅殺則挾詐者得以欺世

發明

當堅行弒之時固嘗以位遜法法辭而不取今乃恐其不利於已而殺之何哉且法既辭其可取於位號未定之初豈復垂死位號於已辭既定之後此則理之曉然者然法之死本出於太后苟氏之意今但歸惡於堅何邪堅為一國之主大權在手苟知法不當死豈不能保而全之乃使之無辜受戮則是堅知而殺之也尚誰咎哉堅在五胡誠為白眉然弒君殺仇首書于冊其本已不正矣他時雖欲克終尚可得乎

秦以王猛為尚書左丞

秦王堅行至尚書以文案不治免左丞程卓官以王猛代之舉異才修廢職課農桑恤困窮禮百神立學校旌節義絕秦民大悅

燕作銅雀臺

質實

銅雀臺注見懷

○以王彪之為左僕射

干戊

二年秦永興二年

春二月秦王堅擊張平降之

秦王堅自將擊平以鄧羗為前鋒軍于汾上平使養子

耗禦之耗多力趨捷能曳牛却走超越高城堅募人生

致之鄧羗禽之以獻平衆大潰乃降拜右將軍以耗

為虎賁中郎將常置左右秦王稱羗耗皆萬人敵

覽耗七吏反捷捷羗羗丘丘妖妖反反說說文文善善走走也也質實質實漢漢獻獻帝帝建建

秋八月以謝萬監司豫等州軍事

會稽王昱欲以桓溫弟雲為豫州刺史僕射王彪之曰
溫君上流已割天下之半其弟復處西藩兵權萃於一
門非深根固蒂之宜也昱乃更以謝萬代之王羲之與
溫賤曰謝萬才流經通使主麻廟固是後來之秀今以
之俯順荒餘則違才易務矣又遺萬書曰以君邁性不
屑之韻而俯同群碎誠難為意也然所謂通識正當隨

事行藏耳願君每與士卒之下者質實群碎群碎僚百僚百群群同甘共苦則盡善矣萬不能用質實也書周官六服也書周官六服

必亦反質實人安之第人安之第

秦大旱

秦王堅滅膳徹樂命后妃以下悉去羅

秦殺其特進樊世

王猛曰親幸用事勲舊多疾之樊世本氏豪佐秦主健
定關中謂猛曰吾輩耕之君食之邪猛曰非徒使君耕
之又將使君炊之世大怒曰要當懸汝頭於長安城門
不然吾不處世猛以白堅堅曰必殺此老氏然後百寮
可肅會世入言事與猛爭論於堅前世欲集覽屏息屏息屏屏
起擊猛堅怒斬之於是群臣見猛皆屏息集覽必屏反必屏反
敵也息者氣息從鼻出者也顏顏
師古曰屏藏其氣息言懼甚也

書法

者或取焉綱目以殺書之所以存勲舊也

燕擊張平平復降燕。冬燕陷河南。

燕太守諸葛恢攻燕東郡入武陽燕王儁遣大司馬
 恪擊之恢敗走還泰山洛遂渡河畧地分置守宰儁欲
 逐經營秦晉令州郡校實見丁戶留一丁餘悉發為兵
 欲使步卒滿一百五十萬期來春大集洛陽劉貴上書
 極陳百姓凋弊發兵非法必致土崩之變儁善之乃更
 令三五發兵以冬集鄴時燕調發樊素官司各遣使
 者道路旁午郡縣苦之太尉封奕奏請非軍期
 嚴急不得遣使自餘賦發皆責成州郡從之
 謂見在民丁也所謂丁者人壽百年為期一幹十年則
 下當四十疆壯之時故曰丁也又注見孝武帝太元十
 四年全丁半丁使者道路旁午索隱曰言使者之多也
 鄭玄曰一縱一橫謂之旁午漢霍光傳使者旁午顯師
 吉曰旁午一縱一橫謂之旁午漢霍光傳使者旁午顯師
 分布也
 漢獻帝初
 平二年

荀彧伐燕不克而還以郝曇督徐充軍事

考異州字上浦

燕泰山太守賈堅屯山在羨引兵擊之堅所將纔七百
 餘人羨兵十倍堅歎曰吾自結髮志立功名而每值
 既豈非命邪與其辱而後生不若守節而死乃開門直
 出羨兵四集禽之遂拔山在羨謂堅曰若父祖世為晉
 臣奈何肯本不降堅曰吾自棄中華非吾叛也民既無
 主彊則託命既已事人安可改節吾來脩自立涉趙歷
 燕未嘗易志君何怒怨相謂降乎羨怒執置雨中數日
 憤死而卒燕青州刺史慕容塵遣司馬悅明致泰山羨
 兵大敗燕復取山在燕主以堅子恬為任城
 太守羨疾篤徵還以郝曇督徐兗軍鎮下邳
 即今東昌府在平縣在縣東北在士之反字或作
 荏漢地理志泰山郡有荏縣顏師古曰荏仕疑反或作
 滎東海為荏侯國東脩自立謂自檢束脩飾而立身也
 漢延篤傳吾自束脩以來注束脩謂束帶脩飾鄭玄言
 論語曰謂年十五以上也又伏湛傳自行束脩訖無毀
 玷郝曇姓名也案史炤通鑑釋文於漢獻帝時郝慮注
 郝綺戰反於晉元帝時郝鑒注郝丑之反有此差異未
 詳唯大宋重脩廣內六脂內收此字注郝姓出高平
 為可質實
 平縣治荏山之平地曰荏故以名縣東漢屬

濟北國三國魏屬平原郡晉徙治聊城縣界與利鎮北齊廢入聊城唐復置尋省之金時劉豫復置元仍舊本朝因之屬東昌府任城郡各注見漢明帝永平十三年

燕使慕容垂守遼東

燕吳王垂娶段末柅女生子令寶段氏才高性烈自以貴姓不尊事可足憚后后街之中常侍淫浩希旨告段氏為巫蠱欲以連汀垂收下廷尉考驗終無撓辭故垂得免禍而段氏竟死獄中出垂為平州刺史鎮遼東垂以其段氏女弟為繼室可足憚后黜之集覽可足憚代北後燕之望姓也可音蓋渾胡昆反也可賞實北平遼東郡名注同上年

紀

三年秦甘露三年燕春二月燕主宴群臣于蒲池

初燕太子暉早死立其弟暉至是燕主偽宴群臣語及周太子晉潛然流涕曰才子難得自景先之亡吾鬚髮中白卿等謂景先何如司徒長史李績對曰懿懷太子至孝聰敏沈毅疾諛好學多藝謙恭好施儻曰鄉譽之

雖過然此兒在吾死無憂矣景茂何如時天子暉自續曰皇太子天資岐嶷然好遊畋而樂絲竹此其所為頃也儻謂暉曰伯陽之言藥集覽周太子晉周靈石之惠也汝宜誠之暉甚不平

子喬故曰王子晉或曰王子喬道士浮丘公接而上嵩高山遂乘白鶴得仙而去潛然流涕詩大東篇潛然出

深注潛涕下貌音所姦反說文云潛涕流貌音山晏反

深音體景先太子暉之字岐嶷詩生民篇克岐克嶷注

岐知意也嶷識也箋云岐岐然意有所知也其貌嶷嶷

然有所識別也岐其宜反嶷魚極反文公集傳曰岐嶷

峻茂實實蒲池未詳處所景茂太子

涼宋混誅張瓘

張瓘情忌苛虐專以愛憎為賞罰郎中殷邵諫之瓘曰虎生三日自能食肉不須人教也由是入情不附宋混性忠鯁瓘憚之欲殺混因廢涼王玄靚而代之混帥壯士奄入南城宣告諸營曰張瓘謀逆被太后令誅之瓘出戰不勝與弟琚皆自殺混輔政請玄靚去王號復稱涼州牧

通鑑綱目卷二十一

晉書卷之三十一

三

秦以王猛為京兆尹

秦王堅以郗亮為御史中丞王猛為京兆尹彊太后弟
德酌酒豪橫掠人財貨子女猛下車收德奏未及報
陳屍於市堅馳使救之不及與亮同志疾惡糾案無所
顧忌數旬之間權豪貴戚殺戮刑免者二十餘人朝廷
震栗姦猾屏氣路不拾遺堅嘆
曰吾始知天下有法也

質實

京兆郡名注見漢
武帝太初元年

泰山太守諸葛攸伐燕敗績冬十月謝萬郗曇復伐之曇

病引還萬眾潰免為庶人

攸將水陸二萬擊燕入自石門屯于河渚燕上庸王評
帥步騎五萬與戰東阿攸女大敗詔萬曇復伐之萬評
豪傲物但以笑詠自高未嘗無衆兄安深憂之謂萬曰
汝為元帥宜數接對諸將以悅其心豈有傲誕如此而
能濟事也萬乃召集諸將一無所言直以如意指四坐
云諸將皆勁卒諸將益恨之安慮萬不免乃自隊帥以
下無不親造厚相親託既而萬帥衆入渦穎以接潞陽
曇以病退屯彭城萬以為燕兵大盛故曇退即引兵還

衆逐驚潰萬狼狽單歸軍士欲圍之以安故止詔
庶人降曇號建武將軍於是許昌穎川譙沛諸城相
皆沒**集覽**東阿注見周赧王六年以如意指如意之為
於燕用執之所供指麾今三清殿道君所執其
遺象也三國吳大帝時金陵有蜩蟬等形大帝以問胡綜綜曰
昔秦始皇東遊以金陵有王氣埋寶物以當之此抑是
乎晉石崇與王愷爭豪愷有珊瑚樹高二尺許以示崇
崇便以鐵如意擊碎之又石崇本事曰崇有珊瑚如意
長二尺二寸**隊帥**部隊將帥也按漢書隊字顏師古注
音遂**渦穎**渦注見漢後主建興
三年穎注見漢成帝綏和二年

質實石門山名在兗州
府平陽縣西二十
五里山上石門東西相向可通人
行彭城郡名注見秦始皇二十八年

十二月大旱○秦以王猛兼司隸校尉

秦王堅以猛為輔國將軍司隸校尉君中宿衛僕射詹
事侍中中書令領選如故猛薦陽平公融光祿任群
士朱彤自代堅不許而融為中書監群為太子家
彤為太子庶子猛時年三十六歲中五遷權傾內外

通鑑綱目卷二十一

宋紀三十九

有毀之者堅輒罪之
於是群臣不敢復言

贊

同隸校尉
元年(處士)

注見漢元帝家
注見周赧王元年

宋紀三十九

文政三

